

MAK

Osirisira Akamana Aghuun Iesus zava Got kha bisigha ativamiri uthughun gunim mbinjeeghi

(Sapta 1.1--3.6)

*Gumasi uruer gumagh Jon, a ufhuaragha zava
Iesusina akami ukuri
(Metiu 3.1-12 ko Luk 3.1-9 ko Luk 3.15-17 koma
Jon 1.19-28)*

¹ Kha mbinhar Iesus Krai Gotin Otari rikinari kharaghava amuisiri injaarir aghuuir gunim mbinjeeghi.

² Aisaia Gotina akam nigha zesi gumagh, Got fhomira nona akaman anga aninji. Anana osirisima, an anm mbinharani iti. Ma akamara khara. "Nii oragh! Ki nona ambuungh gumagha amandaghtima, a ufhuaragh manjiva niimiusua utuaviri inarami.

³ Gumaghani itin ghav mav gumasi iti phatisira ananan dii mbinjeeghi, 'Gee Ikhivaghava utu-avi azeniva, anda rikir.' "

⁴ Kamagha amuisima Jon zava gumasi iti phatisira ananiri ikhava akami ukurava gumasi urua mem mbinjeeghi, "Gee navighi raghtima ki gee urueghtima Got geno othevir maghatisi gina amaanga."

⁵ Ana akaar kharsi vinjeema Judian distrighini itiri unquimba ko Jerusalemni iti gumasi

rako amisi mee bar zava nono othevir maghatisir gunim mbingeema a Jordani rimin mee urue.

⁶ Gumasi uruer gumagh Jon, a kamelin asighana arighinana amuisi shaara sharagha ana asighan nerin mighasigha noni iva dii. A nerin khava sharagha ondaesi rako apharira aroroe apha iti. *

⁷ Anna akam kamaghim mbingeeghi, “Nan gin zaami gumagh anj gamgaanj guisimbaanra nan gamgaanja afhira. Ki anj mina amuisi phati. Ki ivira aviraghiva anja anjarir shaariri umbuea afhirami thughatis phati.

⁸ Ki rimin gee urue, a gin ziva Gotini Utuman gamgaanj gee uruami.”

Iesusi uruegha givasima Satan anj khori ramuamiusua anja aghori

(Metiu 3.13-17 ko Metiu 4.1-11 ko Luk 3.21-22 koma Luk 4.1-13)

⁹ Kha uthughun Iesus Galilin distrighini itiri unju Nasareta thaeghava Jonimiusua zesima, a Jordani rimin ana urue.

¹⁰ Iesus rimina aveni ikegha akiran otuivi utughura a garima ovhee ukusima Gotini Utum fhaman minim mbighegha anmiusua zeghiri.

¹¹ Gumughun a zeghirima itijn mav Gotini unjuuni ikha dii kamaghiesue, “Nii nano Otar. Ki bar ningsi iphui. Nan nav bar niin vhusvhusi.”

¹² Gumughun Gotini Utum ana amandasima a gumasi iti phatisira ananan gu.

* **1:6** Nii kamelin asighani injeendagh ikhaanmiusua, nii Mak 10.25vin gan nii ikeengemi.

¹³ A gugha, 40 pılan aroe rako rimangarir kha anjanani itima, Satan anj khoru ramuamusua anja aghori. A uruanj itira asisir thoonj itima, Gotin enseli mee anj garava ana akuruvasi.

Iesus gumaghan phunini ko phuninim mbikemisima mee anj gin zui

(Metiu 4.12-17 ko Luk 4.14-15 ko Metiu 4.18-22 koma Luk 5.1-11)

¹⁴ Gumughun gumasi uruer gumagh Jon, mee ana nigha rivinan khirthigha athisima, Iesus gin Galilin distrighin gugha Gotina akamana aghuunj ukuri.

¹⁵ A kamaghim mbinjeeghi, “Got kha bisigha ativamiri uthugho otuivousua bara ahangera zee. Gee navighi raghiva nighnighana aghav-agharaan Gotina akamana aghuunj ikhi.”

¹⁶ Uthughun mavin Iesus Galilin rimim mbiroghin gua Saimon noni undooghan Andru ko anijn garima, anij osiriviusua nonij noni ivhaeri ikii ukuri. Anij osiri nia andaghi uvhuesi gumaghaniij.

¹⁷ Mauthughura Iesus kamagha anijm mbinjeeghi, “Anjo nan gin zitima ki anjon khivaghtima, anjo osiri nii mogh gumasi nianga.”

¹⁸ Anij anja akamam mbaraghavire ikha, nonij noni ivhea thaegha anj gin zui.

¹⁹ Gumughun a mange sivagha gua, Sebedin otar Jems noni undooghan Jon ko anijn garima anij nonij nona akemani ikhava noni ivhaeri ikia rikiri.

²⁰ Ana anijn garavire ikha, anijn deema, anij phura nonij noni inaghaves Sebedi ko

aŋni iŋaarir gumasia thaesima, mee norira ake-
mani itima, aniiŋ Iesusin gin zui.

*Utuman maghatighan mav Iesus anga
avarasima a gumagha thaegha akiran zee
(Luk 4.31-37)*

²¹ Iesus non suren gumasir phorugha Kaperneamin gusima avhughususani uthugho otosima a gua Gotin phorugham mbiŋger riphenana aven gugha, riphenan khavina aveni iti gumasi rako amisi men surea amui.

²² A men surea amuima gumasi rako amisi bar aŋna akamamba oraegha riŋgavan maghatigha amui. Aŋm mbiŋgimiŋgir kharsi, anda izii iti gumagham mbiŋgimiŋgir min gu. Aŋm mbiŋgimiŋgi Judariro othevi ikeeŋsi gumasi mem mbiŋgimiŋgir min zui phati. Kamagha amuisima gumasi rako amisi riŋgavan maghatigha amui.

²³ A kamagh mem mbiŋgivre itima utuman maghatigha aphasagha zii gumagh a zava Gotin phorugham mbiŋger riphenana aven zegha deeghi.

²⁴ A dii kamaghim mbiŋgeeghi, “Nii manmagh ee ramuamiusua, Iesus Nasaretiin gumagh? Nii enja asighasighaousua zesire? Ki nii ikaani, nii Got amandasi gumagh, nii Gotin arimaghaniin bar inderasi gumaghara.”

²⁵ A deema, Iesusa akamana aghavagharan kamagh aŋm mbiŋgeeghi, “Nii inimire ikhii. Nii kha gumagha thaegha akiran zii.”

26 Mauthughura utuman maghatigh Iesusi oraegha gumaghan khavi ikuskusa diiva arava akiran zee.

27 Ana akiran zesima, kha gumasi rako amisi bar bighan khavin ganigha guisimbaar ra ringavan maghatigha amuigha norira norir aza- aghi, "Khara manmagha amuisi bighaan? A sureno otheviri ingaar izii iti gumaghan mina andar enga amui. A izii itir gumaghan minim mbingeeghi. A ivira akamana aghavaghar ikha unduur maghatisi vingeema mee an n min zui."

28 Ana amuisi bisir niaghasi uzuamira Galilin distrigh bar anga arui.

Iesus gumasi rako amisira avirara akuruvagha menja amuima mee nomthegha indera (Metiu 8.14-17 koma Luk 4.38-41)

29 Iesus gumasir marsi ko Gotin phorugham mbingger riphena thaeghava, Saimon ri Andru riphenan gue. Jems ri Jon ivira men phorugha gu.

30 Mee gua garima Saimonina asamuiin ariva mbikarigh siava akoghi irighavi itima, gumasir marsi an gun Iesusim mbingeeghi.

31 Mee an m mbikemisima, an anmiusua gua an na afharimuuni usuiragha ana ufhee. Ana ufheesima an na arimarim ana thaesima a rikhavigha maghira aghaer menja anindi.

32 Kha unguar thughura, amin phirisima mee gumasi rako amisi, arimarir maghatisi iti tharsi rako unduur maghatisi aphasasi tharsi bar mee nigha Iesusiusua zii.

³³ Unjuun khavini iti gumasi rako amisi bar zava riphenan khavini itimana akamaniijn nori akuvagha iti.

³⁴ Mee itima, Iesusa arimarir guara avirare iti gumasi rako amisi mena arimarigha amuima mee indera. A unduur maghatisira avirara avarasima mee gumasi rako amisia thaegha akiran zee. Unduur maghatisi ana ikaani, a Gotin Otar. Kamagha amuisima a kamagh mem mbiusue, "Gee kamaghim mbikiman thaghri, 'Ki Gotin Otar.' " A maghira mee righorigharui.

Iesus gumasi iti phatisira ananan gugha Gotin phorugham mbinjeeghi
(Luk 4.42-44)

³⁵ Amiritusi rimaanra aro thighar anandima Iesusi rikhavigha riphena thaegha gua gumasi iti phatisira ananan gugha Gotin phorugham mbinjeeghi.

³⁶ A gusima Saimon no rikurku nigha anmiusua garagharui.

³⁷ Mee gua an ganighava kamagh anm mbinjeeghi, "Gumasi rako amisi bar niimiusua garagharui."

³⁸ Iesus mena akamani ingarigha amua kamagh mem mbinjeeghi, "Ee aghani itiri unjuimbari igharis thasir manjanaga. Ki ivira munagh Gotina akami ukunanga. Ki bighan khaviusua Kaperneama thaegha zee."

³⁹ A kamaghim mbikemigha Galilin distrighina anani bar andagha arui. Ana arua gua Gotin phorugham mbinjer riphenira aven guava

akami ukuri. Ana akami ukura gumasi rako amisigha aphasasiri unduur maghatisi vathosi.

Jesus mamburan arimarim itir gumaghan mav anga amuisima, a indera

(Metiu 8.1-4 koma Luk 5.12-16)

⁴⁰ Mamburan arimarim itir gumaghan mav Iesusiusua zava, anm mbiniman aviragha itivinia riphirigha phuvira anga aghori, "Nii vhusvhusighiv, nii nara amughti, ki Gotin arimaghaniin inderaghivire ikaami."

⁴¹ Iesus kamagh oraegha, guisimbaanra bar anji ukuarukuvi. Kamagha amuigha a nona afharimuu nigha kha gumaghani iphia athigha kamaghiusue, "Nan vhusvhus. Niim mbikarigh nomi inderaghami."

⁴² Iesus kamaghim mbingivire itima, mamburan arimarimi uzuamira kha gumagha thaesima anm mbikarigh indera.

⁴³ A inderasima, Iesus kha gumagha amannga akamana aghavagharan kamagh anm mbingeeghi,

⁴⁴ "Nii oragh. Nii maaji bighan khavin gun igharisi gumagha thavim mbikima thaghiri. Moses fhomira kamaghiusue, 'Nii nom mbikarighan Gotina aphuraphurava am mbinger gumaghan khivaghtima a Gotina aphuraphurami.' " Iesus kamaghiusue, "Nii Mosesina akaman gin maniva nom mbikarighan Gotina aphuraphura am mbinger gumaghan khivaghtima gumasi rako amisi ganighi ikeenjemi. Niina arimarim guisimbaanra giva."

⁴⁵ Kha gumagh Iesus aṅm mbikemisi moghin amuisi phati. A kha bighaaṅn gun bar mem mbikemi. Mamagha amuigha phoghini ikhiv aṅna akuva. Kamagha amuigha a unjuuni ikhiva thavina aven mena arimasi rifhaaṅn arui phati. A nombira gumasi iti phatisira aṅanan khinani itima gumasi rako amisi aṅmīusua zavire iti.

2

Iesusi usue rako afhari amirasi gumaghan mav aṅa amuisima a nomthegha indera (Metiu 9.1-8 koma Luk 5.17-26)

¹ Uthusir marsi givasima, Iesus nomthegha Kaperneamin zee. A za riphenani itima gumasi rako amisira avirara a nomthegha zesira akamam mbaraghi.

² Mee akaman khavi oraegha zesima riphen bari izivasima aṅni itimam mburoghin ivire iziva. Uthughun khavin Iesus Gotina akaman mem mbikiri.

³ Ana akami ukurima, gumasir marsi gumaghani usue rako afhari arighiresir mav nigha aṅmīusua zii. Gumaghan phunini ko phunini akuuna aṅgi isaghuphiga zii.

⁴ Mee za garima riphenani itimam mburoghin bar izivasima, mee Iesusiusua azaaṅni ingura. Mee gumaghan khav nigha riphenani isiṅn guavanambogha riphenani isiṅn thoonga amuigha umbuera akuu rafhagha ana amandasima a Iesusiusua zeghiri.

⁵ Uthughun khavin Iesus gumasir khar-sir nighnighana aghavagharan ganigha kamaghi usue rako afhari amirasi gumagham

mbingeeghi, “Nano otar, ki niino othevir maghatisi gina amanda.”

⁶ Iesus kamagh anm mbingeema, Judariro othevi ikeensi gumasi apiighav ikhava norira non navira averir kamaghim mbingeeghi,

⁷ “Gumaghan khav thoghousua kamaghim mbingeeghi? A Gotina anan niamiusua amui! Gumaghan khina thav gumaghan igharisi thavino othevir maghatisi gina amandagham phatighami. Got nombira.”

⁸ Mee kamaghi nighinisima, Iesusi uzuamira non navana aven men nighinisi ikeenga kamagh mem mbingeeghi, “Gee manmaghiusua kamagh nighinisi?”

⁹ Ki manmaghatisira akamani usue rako afhari amirasi gumagham mbikimti? Mana akamambaan indera. Ki niino othevir maghatisi gina amanda, o? Ki kamaghim mbikimanga nii nomtheugh inderaghiri. Nii rikavigh nona akuu nigh manji. Ki manmagma amuisi akamam mbikimti, gee anm mbaraghiv kamaghim mbikimanga a indera.

¹⁰ Ki othivhan khav ramuightima, gee ganighi ikeengemi, Gumasir Otar* a unuaghinan khavino othevir maghatisi gina amaangamiri izii iti.” A kamagh gumaghani usue rako afhari amirasi thavim mbingeeghi,

¹¹ “Ki niim mbingeeghi, nii rikavigh nona akuu nigh riphenan maaniri.”

¹² Am mbingivire itima mee garima gumaghan khav rikavighava nona akuu nigha akiran zui.

* **2:10** Gumasir Otar a Iesusini iziin mav, a kha iziin nombira nombi arisiri izii.

Gumasi rako amisi bar aŋn ganigha riŋgavan maghatigha amuigha Gotini izii ufhava kamaghim mbiŋgeeghi, “Ee ufhuaragha kamagha amuisi bigha thavin ganis phati!”

*Jesus nombin gin maŋamiusua Livain deeghi
(Metiu 9.9-13 koma Luk 5.27-32)*

¹³ Jesus nomthegeha Galilin rimim mbiroghin gueghiri. A gueghirima, gumasi rako amisira avirara zava nori akuvasima, a men surea amui.

¹⁴ A men surea amuava rimim mbiroghin gua Alfiusin otar Livain garima, a gavmani raniŋgamira aŋgiro ovisi nir riphenan apheraghav iti. Jesus aŋn garava, kamagh aŋm mbiŋgeeghi, “Nii nan gin ziri.” Maghira Livai aŋm mbaraegha, rikhavigha aŋn gin zui. *

¹⁵ Gin Jesus Livain riphenani ikhava non suren gumasir phorughava aphi. Aŋgiro ovisi nii gumasira avirara ko othevir maghatisigha amuir gumasira avirara, mee ivira men phorugha aphi. Kamagha amuir gumasira avirara, mee ivira Iesusin gina arui.

¹⁶ Mee apha itima, Judariro othevi ikeŋsi Farisiin gumasi mee aŋn ganigha, aŋn suren gumasira azaaghi, “A manmaghiusua aŋgiro ovisi nii gumasi rako othevir maghatisigha amuir gumasir phorughava aphi?”

¹⁷ Jesus mena azaaŋsigha oraegha kamagh mem mbiŋgeeghi, “Arimari phatisir gumasi, arimaria rikirir gumaghaousua zui phati. Arimari iti gumasi, mee arimaria rikirir gumaghaousua zui. Ki othevira aghuigha amuir

* **2:14** Metiuni iziin mav Livai.

gumasi rako amisiviusua zesi phati. Ki oth-
evir maghatisigha amuir gumasi rako amisir
dimamiusua zee!”

*Mee aghae thamirasiro othivhaousua Iesusina
azaaghi*

(Metiu 9.14-17 koma Luk 5.33-39)

¹⁸ Uthughun mavin Jonin suren gumasi rako
Farisiin suren gumasi mee Gotin phorughum
mbikimamiusua aghae thamirasi. Iesusin suren
gumasi uthughun khavin aphima gumasir marsi
Iesusiusua zava kamagh anna azaaghi, “Khara
manmaghira amuisiro othiv? Jonin suren gu-
masi rako Farisiin suren gumasi mee thigh-
ira Gotin phorughum mbikimamiusua aghae
thamirasima, niin suren gumasi Gotin pho-
rughum mbikimamiusua aghae thamirasi phati.”

¹⁹ Mem mbinjeema Iesus kamagh mena aza-
aghi, “Gumaghan mava amuunni ikhaousua
ishamani ikhiva amuava gumasir marsir diisima
mee zee. A men phorugh ikhitima, mee man-
maghira ramuti, mee aghaa thamiraghami, o
phatighami. A men phorugh ikhitima mee aghaa
thaeghem phatighami.

²⁰ Mee aghae thamirasiri uthugh iti. Kha
uthugh zitima, gumasir marsi amuunni ikhaamir
gumaghani usuiragh manjiti, mee kha uthughun
aghaa thamiraghami.

²¹ Gumagha thavin mbisasin ofhighan ikama
thav nigha shaaran gura thavin phorugha ana
isamisi phati. A mamagh ramuighiva ana uru-
tima mbisasin ofhighan ikam ikonigh shaaran

gure ikuighiva, anebiightima an̄n thooŋ guisimbaan̄ra bar ikhevighemi.

²² Gumagha thav uainiro ovisiri imbooriri ingaa nighiva, asighan nerim mbisivan guro uruighem phatighami. A kamagh ramuightima uainiro ovisiri imboori bughiva asighan nerim mbisivan gura biighiva, uainiro ovisiri imboori ko asighan ner, aniin̄ ivira maghatiighemi. A kamagh ramuighem phatighami. A uainiro ovisiri imbooriri ingaa nigh asighan nerim mbisivan ikamaro uruighemi.”

Gumasir Otar ana avhughususani uthughuni Ikhiv

(Metiu 12.1-8 koma Luk 6.1-5)

²³ Iesus avhughususani uthughun mavin, raisin min garira aghan mav, uit, mee an̄n mighini ikhivan thooŋn zui. An̄n suren gumasi an̄n phorugha gua uitiro ovisi ukuara zui.

²⁴ Mee zuima Farisiin̄n marsi men ganigha kamagh Iesusim mbingeeghi, “Niin̄ ganiri. Mee manmaghiusua othivhan khav an̄ga amuava avhughususani uthughuno othivhan gin zui phati?”

²⁵ Iesus mee ikaragha kamaghim mbingeeghi, “Gee, Devit amuisir bighaan̄ mee ana osirisima a iti, gee an̄n ganisi o, phati? A non gumasir phorugha mem mbitii mena azima a bighan khuanga amui.

²⁶ A gua Gotin̄ riphenana aven gugha Goti aniin̄si uvisiri uthuu ame. Ana anda aphava, ivira marsi nigha non gumasigha aniin̄sima, mee ivirama anda ame. Kha uthughun Abiatar,

Gotina aphuraphurava aghae rako bisir anja anindir gumasira aphanani itima, Dedit anda ame. Judariro othivhan khav iti. Uvisiri uthuur kharsir Gotina aphuraphurava aghae rako bisir anja anindir gumasira anda aphi, gumasir khini phati. Uthughun khavin Dedit, gumaghan khin, uvisiri uthuur kharsi ame.”

²⁷ Iesusim mbingi guava kamagh mem mbingeeghi, “Got gumasira akuruvaghaousua avhughususani uthugha athi. Ana avhughususani uthughuna akuruvaghaousua gumasi athisi phati.

²⁸ Gumasir Otar ana avhughususani uthughuni Ikhiv.”

3

Iesus avhughususani uthughuna afhari konisi gumaghan mavia amuisima a nomthegha indera (Metiu 12.9-14 koma Luk 6.6-11)

¹⁻² Igharisiri uthughun mavin Iesus Gotin phorugham mbinger riphenan gua, garima afhari konisi gumaghan mav riphenan khavina aven gumasi rako amisira avirar arighani iti. A itima gumasir marsi ivire iti. Iesus bigha thavi ramuightima, mee akaman anja asaousua bar inderaghavira an gari. Mee kamaghiusua an gari. Ana avhughususani uthughun gumaghan khavina akuraghami, o?

³ Mee bighan khaviusua an garavire itima, Iesus kamaghina afhari konisi gumagham mbingeeghi, “Nii rikavigh zii bar eem mbinimani utughiri.”

⁴ Gumagh rikhavigha utusima, Iesus kamagh mena azaaghi, "Othivhan manav ana avhughususani uthughuni indera? Ee othivhana aghuun ramuanga, o othivhan maghatigha ramuanga, o gumaghana akuruvaghami, o gumagha asighasighami?" A kamagh mena azarasima, mee bar inimire iti.

⁵ Ana arimaghaniin bar gumasi rako amisigha aruava, navana avera menğa avhesi. A men garima, men navia aghavagharigha ukuarukuvan nighinisi men phati. Kamagha amuisi a bar osemigha kha gumagh kamagh anm mbingeeghi, "Nii nona afharimuu oneeghiri." Gumaghan khav nona afhari onesima, anja afhari nomtheğha indera.

⁶ Farisiin ikha ganigha riphena thaegha azenan zegha Herotin gina aruir gumasir phorugha ikha Iesusim mbisoghousua akaar rikiri.

Iesus non gamgaan men khivasima ana andarsi nighnighana aghavaghar anji iti phati

(Sapta 3.7--6.6)

*Gumasi rako amisira avirara Iesusin gin zui
(Luk 6.17-19)*

⁷ Iesus non suren gumasir phorugha Galilin rimin gueghiri. A gueghirima gumasi rako amisira avirara Galilin distrighini ikeğha anj gin gueghiri.

⁸ Judian distrigh ko Jerusalemni unju phorugha Idumean distrighin gumasi rako amisira

avirara Iesusiusua gueghiri. Tairini unjuu ko Saidonini unjuum mbiroghini iti marsi koma Jordani rimin muaanmogh itir gumasi rako amisi ivira Iesusiusua gueghiri. Gumasi rako amisir avirir kharsi, mee ana amuisir bisira akamam mbaraegha anmiusua gueghiri.

⁹⁻¹⁰ Mee gueghiresima, Iesus gumasi rako amisira avirara mena akurasima, mena arimari giva. Arimari itir gumasi rako amisira avirara nona arimaria givaousua Iesusina aghan nori akuvagha, Iesusini usuighaousua nori munamandi. Kamagha amuisima, Iesus non suren gumasi vingi kamaghiusue, "Gee akema thav nigh zii phura anaratighti a ikhiri. Gumasi rako amisi bar zii na akuvaghtima ki akeman anamboghomii."

¹¹ Iesus mem mbingeema, unduur maghatisi aphasasi gumasir marsi zava, Iesusin garava unduur maghatisi uzuamira menja amuima mee Iesusim mbiniman daaghira kamagh araaghi, "Nii Gotin Otar."

¹² Mee kamagha amuima, ana akamana aghav-aghavan mem mbingi kamaghiusue, "Gee kamaghim mbikiman bar thaghri, 'Ki Gotin Otar.' "

*Iesusim mbisevisir gumasir 12 pila
(Metiu 10.1-4 koma Luk 6.12-16)*

¹³ Iesus rimin mbiroghini ikegha rikavighava oraghin guavanambogha non vhusvhusan gumasir deema, mee anmiusua zii.

¹⁴ Mee ziima a gumasir 12 pilam mbisevigha iziin khavin menja athi, mbisevisir gumasi. Mee an phorugh ikhitima, a gin mee amandaghti mee maanji Gotina akamana aghuun ukunanga.

¹⁵ A non gamgaan mee raniintima mee ivira unduur maghatisi vatoghomi iziiri ikhami.

¹⁶ Am mbisevisir gumasir 12 pilani iziiri khara. Saimon (Iesus gini iziin khavin anga athi Pita),

¹⁷ Sebedin otaraniin Jems ri Jon (A iziin khavina aniinga athi, Boanerges. Iziin khavim mbiniin kamagh gu, avhesa mbighiraviram mbinjer gumaghaniin),

¹⁸ Andru ri Filiv, Bartolomiu, Metiu, Tomas, Alfusin otar Jems, Tadius, Saimon (A Selotiinna akoghin gumaghan mav),

¹⁹ ko Judas Iskariot, Iesus nigha, aphanigha aniinshi gumagh.

Mee kamaghim mbinjeeghi, "Iesus Belsebulin gamgaanini injaari"

(Metiu 12.24-32 ko Luk 11.14-23 koma Luk 12.10)

²⁰ Iesus nomthegha riphenana aven gugha itima gumasi rako amisira avirara zava ana akuva. Mee bar ana akuvasima, a non suren gumasir phorugh mee aghae ramanjami mbaan ingura. Mee ramanjamiri uthusi phati.

²¹ Gumasi rako amisir marsi kamaghim mbinjeeghi, "Ana onani." Iesusina andarsi akaman khavi oraegha, ana nigh manjamiusua zii.

²² Judariro othevi ikeenji gumasir marsi Jerusalemini ikegha zeghirava kamaghim mbinjeeghi, "Belsebul anga aphasu. A unduur maghatisir gumaghana aphanan gamgaanini unduur maghatisi andavathosi." *

* **3:22** Satanini iziin mavira khara, Belsebul.

²³ Iesus mem mbingera akamam mbaraegha, kamagha amuigha a gumasi rako amisir diiva aghunambagha asira akaar marsir mem mbingeeghi, "Satan manmaghira nombira nombi athueghti?"

²⁴ Kantri thav thoonra nomba biighiva norira nori visoghiva kantrin khav ikeghem phatighami.

²⁵ Kamaghin ivira, riphenani uvavira iti tharsi mee thoonra noria biighiva norira nori visoghiva riphenan khavini iti tharsi ikeghem phatighami.

²⁶ Kamaghira Satana andarsi norira noria biighiva nori visoghtima anj gamgaanj bar givagh ikeghem phatighami.

²⁷ Gumaghan manav phura aven maanji gumaghana aghavaghara thavi riphena akarighiva anj bisi nitii? Phatighami. A ufhuaraghivira umbuer gumaghana aghavagharan khav ikeghemi. A kamagh anj ramuighiva gumaghan khavin riphenana aven maanji, anj bisi nianga."

²⁸⁻³⁰ Mee ufhuaragha kamagh anj mbingi kamaghiusue, "Utuman maghatighan mav anja aphaasa." A bighan khuanmiusua, akaar khar-sir mem mbingeeghi, "Ki guisimbaanra gem mbingeeghi, gumasi rako amisi mee othevir maghatisigha amua Gotini iziira afharavaeghtima Got anda gina amaangamiri utuav iti. Gumagha thav Gotini Utumani iziira afharavaeghtima Got anjo othivhan maghatighan khav, ana gina amandagham phatighami. Osimndighan khav anj ikhivire ikaami."

*Iesusini inaghamuun ko anni undoosi
(Metiu 12.46-50 koma Luk 8.19-21)*

³¹ Uthughun khavin Iesusini inaghamuun ko anni undoosi zava, a itir riphenani itimana akamaniinni utughava gumaghan mava amandasima a Iesusim mbikimamiusua aven zui.

³² Gumasi rako amisira avirara an phorugha apiighav ikhava kamagh anm mbingeeghi, "No oraesire! Niini inaghamuun ko undoosi mee niimiusua zekhava akirani iti."

³³ Mee anm mbikemisima a kamagh mena azaaghi, "Thiira nani inaghamuun? Thaen nani undoosi?"

³⁴ A kamagh mena azaraghava, ana ighuighav apiighav itir gumasi rako amisir garava, kamagh mem mbingeeghi, "Gee gan! Nani inaghamuun ko undoosira khara.

³⁵ Got vhusvhuisiro othevir gin zui gumasi rako amisira, mee nani undoosi rako umbuaramisi koma nani inaghamuigha."

4

Iesus aghunamana akamanga asa kamaghim mbingeeghi, "Gumaghan mav uitiro ovisi nigha mighin anda ukuragha arui"

(Metiu 13.1-9 koma Luk 8.4-8)

¹ Igharisiri uthughun mavin Iesus nomthegha rimim mbiroghini ikhava, gumasi rako amisir marsir surea amui. Gumasi rako amisir avirani ikhiv ana akaava oraghaousua zava ana akuavasima, anani izivasi a biragha akemana

anambogha rimini iphina apheraghav itima gumasi rako amisir kharsi anna aghan ataan apiighav iti.

² Ana akaar avirar aghunambagha asava men surea amua kamagh mem mbingeeghi,

³ “Gee oragh. Gumaghan mav raisin min garir aghaan mav, uit, ana nigha gua non mighin anda ukuragha arui.

⁴ Ana anda ukurima uitiro ovisir marsi utuavini iresima, ukuarasi zava anda ame.

⁵ Marsi anğiri iphini itiri unuaghinani ivamndighaangi ire. Unuaghinan khav phum mbithemis phatisima uitiro ovisi uzuamira afhuaaji.

⁶ Andar bii bari unuaghinana aven gueghiresi phatisi aro anangava andaghi isirasima anda sia mbisiiji.

⁷ Uitiro ovisir marsi rikhoniri umbue itiri unuaghinangi iregha, umbuer thoonna afhuensima, rikhoniri umbue aghuuva umbue anda ikhaa davi. Andaro ovisi visevisi phati.

⁸ Uitiro ovisir marsi unuaghinana aghuungi iregha aghuuva ovisi visevi. Marsi 30 pilam mbisevi, marsi 60 pilam mbisevi, marsi gua 100ini utu.”

⁹ Iesus mem mbingi gua kamagh mem mbingeeghi, “Thiira ukuaraniin iti, ana oraghiri.”

Iesus manmaghi usuavira aghunambara akaagha asi

(Metiu 13.10-17 koma Luk 8.9-10)

¹⁰ Gumasi rako amisira avirara bar guesima, Iesus nombire itima, an 12 pilam mbisevisir

gumasi rako ana aghani itir gumasi, mee aṅna aghunamana akamam mbiniṅm mbiṅmṅsua aṅna azaaghi.

¹¹ Mee aṅna azarasima a kamagh mem mbiṅgeeghi, “Got ikaaṅmaran genga aniiṅsima, gee ma monduṅsir akaa anda ikaaṅi. Ma monduṅsir akam khara Got kha bisigha ativamiri uthugh. Ki azenani itir gumasi rako amisi phura aghunambara akaar mem mbiṅgeeghi.

¹² Kamagha amuisima, ‘Mee mighasigh ganiva, mee bigha thav ikeengem phatighami. Mee ivira mighasigh oraghiva, mee inderaghivira akamam mbiniṅ thav ikeengem phatighami. Mee amuava akaa viniṅgari ikeeṅsi phatigha men navia aghavagharisi, Got meno othevir maghatisi gina amandasi phati.’ ” *

*Uitir aghunamaṅga asira akamam mbiniṅ
(Metiu 13.18-23 koma Luk 8.11-15)*

¹³ Ana akaman khaviṅ mem mbiṅgi gua kamaghim mbiṅgeeghi, “Gee uitir aghunamana akaman khaviṅ mbiniṅ ikeeṅsi phatisire? Gee manmaghira igharisi aghunambar akaa tharsi ikeeṅgiti?

¹⁴ Gotina akami ukuragha arui gumagh a uitiro ovisi ukurir gumaghan mina amui.

¹⁵ Gumasir marsi utuavi iresiri uitiro ovisir mina amui. Mee Gotina akaava oraesima Satani uzuamira zava mee oraesir Gotin akaa, mena aghan anda vatoghi.

* **4:12** Iesus Gotin gin maṅmṅsua gumasi rako amisir thevi phati. Marsi nori Gotin gin maṅani iphirphiri.

16 Gumasir marsi anġi itiri unuaghinaġi ire-siri uitiro ovisir mina amui. Mee Gotina akaava oraegha andavhagha bar inighinisi.

17 Men bii gueghiresi phatigha mamagha amuigha uthughuni uruarani iti phati. Mee Gotina akaar ġin zuima, gumasir marsi mera afharavaghava osimndisir menġa nindima mee phura Gota thaghi.

18 Gumasir marsi umbuera atari itiri unuaghinaġi iresiri uitiro ovisir mina amui. Mee Gotina akaava arasi.

19 Mee andava oraegha mee ivira unuaghinan khavino osimndisivirusua nighinighava, anġiro ovisira avirara niamiusua khorigha amuir nighinisigha amuava, unuaghinan khavin bisir avirar garava andavhagha inisi. Bisir kharsir nighinisi zava Gotin akaa disima anda aghaa oti phati.

20 Gumasir marsi unuaghinana aghuonġi ire-siri uitiro ovisir mina amui. Mee Gotina akaava oraegha andari usuiragha, andar ġin zui tharsi mee aghaa oti. Marsi 30 pilan aghaeva atima, marsi 60 pilan aghaeva atima marsi gua 100ini utu.”

Lamana ananara ana rananda
(Luk 8.16-18)

21 Iesus kamagh mem mbinġeeghi, “Gena thiinra lamangha amborugha ana nigha ithaanġi ikhivan ana avhara? O ana nigha akoghin apheenġ ana ananda? Bar phati! Gee anra amborughuva ana nighiva azenan anna ananara ana ranandaghiri.

22 Kamaghira moonḡamir bisi anda ḡina azenan otuivami. Bisigha amuigha anda ave tharsi anda ivira ḡina azenan otuivami.

23 Thiḡra ukuaraniḡ iti, ana oraghiri.”

24 Am mbiḡḡi guava kamaghim mbiḡḡeeḡhi, “Gee orasir akaa gee inderaghivira andava oraghiva inderaghivira andaghḡi nighinighiri. Gee gumasigha amui moghira Got andar gee ikaraghiva a nomtheḡh thove phorugh gera aniḡḡa.

25 Gotina akami ikeḡḡsi gumagha thav Got nomtheḡh ikhaanmari tharsi phorugh aḡra aniḡḡa. Gumagh ikhaanmaran sovange Gotini iti thav Got nomtheḡh aḡna aghan noni ikhaanmar nighemi.”

Afhuḡḡsi aghaero ovisir aghunamana akam

26 Iesusim mbiḡḡi guava kamagh mem mbiḡḡeeḡhi, “Got kha bisigha ativamiri uthughuno othiv kamaghin. Gumaghan mav aghaero ovisi nigha unuaghinan anda ukuri.

27 Gumaghan khav anda ukunighava, rimangarir akuava, aroer rikavighava arui. Ana aruima aghaero ovisir kharsi anda afhuḡḡa aghuughḡi. Aghaero ovisir kharsi manmaghira afhuḡḡa aghuughḡi? Gumaghan khav ikeḡḡsi phati.

28 Unuaghinara aghaero ovisir kharsigha amuisima anda aghuuva mbisevi. Anda ufhuaragha afhuḡḡa aghuu gua aḡguu isigha ava gua akimari otuivigha mbisevi.

²⁹ Anda visevigha aghae itima, gumaghan khav akos nighava andara akori. A ikaañi, aghae itima andara akoromiri uthugho oto.”

Mastetino ovighan aghunamana akamanja asi

(Metiu 13.31-32 ko Luk 13.18-19 koma Metiu 13.34-35)

³⁰ A nomthegha kamaghim mbingeeghi, “Ee manmaghira Got kha bisigha ativamiri uthughuno othivham mbikimti? O, ee aghunamana akaman manavin añm mbiniingarir gunim mbikimti?”

³¹ A mastetino ovighan min gari. Mastetini uzuirafariro ovisi bar sovi. Igharisi thero ovisi bar anja afhiragha ikhevi.

³² Gumaghan mav ana ukunisima a gina aghu- uva bar ikhevighava mighini itiri uzuirafari bar andagha afhiragha bare ikhevi. Ani ikhevigha anja anguuri ikii nori amaensima ukuarasi zava ana anguur righughana aveni ikha vikoniri injaari.”

³³ Iesus men nighinisi uthusi utuirivan mina amuira akaar avirar aghunambagha asava Gotina akaar mem mbingeeghi.

³⁴ Ana akaar gumasi rako amisi vingiva mighasigha aghunambara akaar mem mbingeeghi. A non suren gumasir phorugha mee norira ikhava a bisi viniingaria bigha mem mbingeeghi.

Iesusim mbikemisima gamiñni ikhiv ko riphiraghirir rimi aniñ phura aminati

(Metiu 8.23-27 koma Luk 8.22-25)

35 Aron khavin amin phiraousuava amuima Iesus kamagh non suren gumasi vinjgeeghi, "Ee rimin khava ritugh anj muaanmogh manjanja."

36 A kamagh mem mbinjgeema gumasi rako amisi mbiroghini ikhavire itima mee Iesus apheraghav itira akeman guavanaenga muaanmogh zui. Anjaeri igharis tharsi ivira men phorugha muaanmogh zui.

37 Iesus non suren gumasir phorugha zuima, gamiinji ikhiv rikavi. Uthughun khavin ripiraghiri rimi zava akemanga afhimsisima rimi akemana aven gueghira, akemangi izivasima, ana atam rimina aven meghiraousuava amui.

38 Akem meghiraousuava amuima, Iesusa akeman khavin giranjiran aghoran mav nona aphanan aghorugha akui. Anj suren gumasi anja aghuragha kamagh anj mbinjgeeghi, "Fhighin gumagh, ee givaousuava amui! Nii emiusua nighinisi, o phati?"

39 Iesus rikhavigha utugha gamiinj mbatogha, ripiraghiri rimi kamagh anj mbinjgeeghi, "Anjo amiragh, inimire ikhii!" Am mbinjgeema, gamiinj amirasima, rimi phurama aminati.

40 Iesus kamagh non suren gumasi vinjgeeghi, "Gee thoghousua phuvira atitiji? Gee nighnighana aghavagharo othevigha kamaghire iti?"

41 Mee bar ana atitinga kamagh norira nori vinjgeeghi, "Gumaghan khav thiinra? Gamiinj ko ripiraghiri rimi iviram anja akamam mbarasi!"

5

Iesus Gerasan gumaghan mavini unduur maghatisigha avarasima anda ana thaghi (Metiu 8.28-34 koma Luk 8.26-39)

¹ Iesus non suren gumasir phorugha rimia rithugha muaanmogh Gerasana ananan oto.

² Mee otuiva, Iesusa akema thaegha ataan anandima utuman maghatigh aphasasi gumaghan mav, a khuuri unjuuni ikegha Iesusi otuivousua zii.

³⁻⁴ A khuuri unjuuni ikhava anga akui. Mee uthusira avirara ukuaghaviir anja agharaniin ikhava, phivisir anji usuaniiñ iti. Mee aniiñ itima, a mighasigha ukuaghaviir khar-siri usuighava anda righoraghiusuava anji usuaniiñ ikesir phivighaniiñm mbisogha ania righoraghiusui. Kamagha amuisima gumagha thav gumaghan khavini usuiragh ana ikhiva aveengemi. Mee ivira ukuaghaviir ana ikegh-tima anda anji usuiragham thughathigham phatighami. Gumagha thav kha gumagh ana ikeghem thughatis phati.

⁵ A rimangari rako aroer khuuri unjuimba rako orasir phurama aruava mbighiravira diiva anjir nom mbikarigha righoraghiusui.

⁶ A isaghuni ikha Iesusin ganigha akhighavtigha anjiusua zava anjm mbiniman noni itivinia ripiri.

⁷⁻⁸ Mauthughura Iesus kamaghi utuman maghatigham mbinjeeghi, "Nii utuman maghatigh, nii gumaghan khava thaegha akiran zii." Iesus kamagh anjm mbinjeema, gumaghan

khavim mbighiravira arava kamaghim mbingeeghi, “Kha bisi bar andari iphini iti Gotin Otar Iesus, nii manmagh na ramuamiusua. Ki Gotin arimaghaniinim mbighiravira niina azaaghi, nii nannga asighasigha thaghri.”

⁹ A kamaghim mbingeema Iesus kamagh anm mbingeeghi, “Nii noni izii rimboru.” Utuman maghatighan khav ana ikaragha kamagh anm mbingeeghi, “Ee bar avirekevi, kamagha amuisi nani izii Avirira.”

¹⁰ A Iesus igharisi anana thavin mee amaan agharkuvigha Iesusina avigha anga aghori.

¹¹ Kha uthughun, mem mburoghire itiro oraghin mav daar avirire ikhava aphi.

¹² Anda aphima, unduur maghatisir kharsi kamagh Iesusim mbingiva anga aghori, “Nii eem mbikimiva ee amandaghtima ee maniva daar bisir muna andarsigha aphasaghama.”

¹³ Mauthughura a mee amandasima unduur maghatisir kharsi gumaghan khava thaegha akiran zegha guava daar bisigha aphasaa. Daar avirir kharsi, andar rimbomboni 2,000ina aghan gu. Mauthughura daa phuvira akhisisigha gueghira avarani ukondighan gueghirava rimina aven guegha rima aphava ariighire.

¹⁴ Mauthughura daar garir gumasi daava otuivisi bisir ganigha guava unjuimbari ikiir gua kha ananani itiri unjuimbar sovsegher guava kha otuivisi bisir gunim mbingeeghi. Gumasi rako amisi bighan khavin ganamiusua rikhavigha zii.

¹⁵ Mee zava Iesusina aghani unduur maghatisi aphasasir gumaghan garima, an nighnigh nom

inderasima, a non shaaria sharigha apheraghav iti. Mee anj ganighava atitiñji.

¹⁶ Kha otuivisi bisir ganisi gumasi rako amisi, mee unduur maghatisi aphasasir gumagha otosir bisir kharsir gun igharisi gumasi vñngeeghi. Mee andar gunim mbingi gua ivira daava otosi bisir gunim mbingeeghi.

¹⁷ Gumasi rako amisir kharsi bighan khavi oraegha mee ma ananambaanj thaegh manamiusua Iesusi aghori.

¹⁸ Mem mbingeema, Iesus ananan khava thaegh manamiusua akeman birima unduur maghatisi fhom aphasagha ikesi gumagh, Iesusin phorugh manamiusua mbighiravira anja aghori.

¹⁹ An anja aghorima, Iesus anj thiva kamagh anj mbingeeghi, "Ni nomthegeh nona andar-siviusua riphenan maniva Ikhiv niina akuragha niinga amuisir bisi andar gun mem mbikimiva a ivira bar niini ukuarukuvisi bisir gun mem mbikim."

²⁰ Gumaghan khav ana oraegha guava Iesus anja akurasir bisir gun Dekapolisin distrighini itiri unjuimbar guava bar mem mbingeeghi. Gumasi rako amisir kharsi anjmba oraegha ringavan maghatigha amui.

Iesusa aremisir guivan mav koma arimarin itira amighan mavia amuisima aniñ nom indera (Metiu 9.18-26 koma Luk 8.40-56)

²¹ Iesus akem nigha nomthegha rimin khuanmogh zee. A zegha rimina ataanji itima gumasi rako amisira avirara zava ana akuva.

22-23 Gotin phorugham mbingger riphenan bisir gari gumaghan mav, an̄ni izii Jairus, a zava, Iesusin garav an̄n khoman nombi ukunigha kamagh phuvira an̄ga aghori, “Nan guiva aremighaousua an̄n righorin kinare iti. Nii ziva nona afharin an̄ra athightima an̄na arimarim givagh nom ikaami.”

24 Kamagha amuisima Iesus an̄n phorugha zui.

A zuima gumasi rako amisira avirara bar ana akuvaghava an̄n gin zui.

25 Mee zuima men thoon̄n n̄aanambatir arimarim itira amighan mav ivira men phorugha zui. Amighan khav n̄aanambatir arimarim an̄ni itima 12 pilan ombari giva.

26 A fhomira nona arimarima givaousuava arimaria rikirir gumasiviusua zuima, mee an̄na arimarima givasi phati. Thighira am mbizaghin maghatigh nii. A nona arimarim ana givaousua phura nona an̄giro ovisir men̄gi uvhuesima an̄na an̄giro ovisi bar giva. Bisir kharsi an̄na arimarimana akuruvasi phati. Ana arimarimi ikhiva guavire iti.

27-28 A Iesusa amuisi bisira akamam mbaraegha, a kamaghi nighinisi, “Ki phura an̄na akirani iti shaaran khightima nana arimarim givaghami.” A kamaghi nighinighava anan̄ ramuamiusua. A gumasi rako amisir avirar gin zava mee munamanga zava Iesusin shaarani usura.

29 Amigh an̄n shaarani usuiraghavira, an̄ni n̄aanambatir arimarim phura rithugha gu. A nombira nombi oraegha ikaan̄i, an̄m mbikarigh nom indera.

30 A kamagha amuimira, Iesus uzuamira nombira nombi orasi a Got gumasir arimaria givaousua anga aniinsi gamgaan, anm mbikarigha thaesi a ikaani, nan gamgaan injaari. Mauthughura a ragha gumasi rako amisir garava mena azaaghi, "Thiinjra nan shaaran khii?"

31 Am mbingeema, anjuren suren gumasi ana ikaragha kamagh anm mbingeeghi, "Nii garima, gumasi rako amisira avirara nii akuvagha iti. Kamagha amuisima nii thoghousua kamagha azaaghi, 'Thiinjra nan shaaran khii?' "

32 Mee kamagh Iesusim mbingivire itima Iesus non shaaran khisi gumagh ikaanmuisua ighaghira garagharui.

33 A uruiavire itima, amighan khav anm mbatosi bighan khav ikeenga zava Iesusin khomani irighava, atitiinga inigha guisimbaanra anm mbatosi bighaan gun anm mbingeeghi.

34 Am mbingeema, Iesus kamagh anm mbingeeghi, "Nan guiv, nii nighnighana aghavaghar nani iti. Kamagha amuisima niina arimarim giva. Nii navana aminndighan manjiri, niina arimariman khav nomthegeh nii ramuighem phatighami."

35 Iesus amighan khavim mbingivire itima gumasir marsi Gotin phorugham mbinger riphenan bisir garir gumagh, Jairusin riphenani ikegha zee. Mee zegha kamagh Jairusim mbingeeghi, "Nii osimndighan fhighin gumagha raniinva anga aghora thaghri. Niin guiva aremigha giva."

36 Mee kamaghim mbingeema Iesus mem mbaraegha kamagh Jairusim mbingeeghi, "Nii

atitiijn thaghri. Nii phura nighnighana aghav-
aghar nani ikhii.”

³⁷ Anj gina arui gumasi anj phorough
manamiusuava amuima a men thiva, Pita ri
Jon koma anji undooghan Jems, mera nigha
mee zui.

³⁸ Mee guava Jairusi riphenan otuivigha Iesus
gumasi rako amisiva arasima, mee bar azia
nijniini ikhiva amui.

³⁹ A memiusua aven guava kamagh mem
mbinjeeghi, “Gee thoghousua azia nijniini
ikhiva amui? Guivan khava aremisi phati. Ana
akui.”

⁴⁰ A kamagh mem mbinjeema, mee an
riphovava akavari nori vinjeeghi, “Ee ikaaji,
a guisimbanra aremi.” Gumasi rako amisi
kamaghim mbinjeema a bar mem mbatuegha
guivani inaghaves ko inaghamuuj nigha anj
suren gumaghan phunini ko mbikethav, mera
anj phorougha zui. A mee nigha mee guivan
khum itira ananana aven zui.

⁴¹ Mee guegha a guivana afharimuuni
usuragha kamagh anj mbinjeeghi, “Talita
kum!” Akaman khavim mbiniij kamagh iti,
“Guivan sovange, ki niim mbinjeeghi, nii
rikavi!”

⁴² An anj mbinjivire itima, guiv rikhavigha
utughava arui. Anjo ombarir 12 pila. A
rikhavigha utughava aruima, mee kamagh
guisimbanra rinjavan maghatigha amui.

⁴³ Mauthughura ana akamana aghavagharan
guisimbanra mem mbinji kamaghiusue, “Gee
bighan khavin gun igharisi gumagha thavim

mbikima thaghri.” A kamagh mem mbingiva aghaa thav an raninmuisua mem mbingeeghi.

6

Iesusini unjuuna andarsi mee anji iphirphirigha akiran anga ase

(Metiu 13.53-58 koma Luk 4.16-30)

¹ Iesus khagh thaegha noni unjuun guavanandima an suren gumasi an phorugha zui.

² Thighira, avhughususani uthugho otosima a Gotin phorugham mbingger riphenana aven guava, gumasi rako amisir surea amui. Gumasi rako amisira avirara ana akaava oraegha ringavan maghatigha amui. Mee ringavan maghatigha amuigha azaaghi, “Kha gumagh a managha akaar kharsi nii? A managh nighinisira aghuui nii? A ivira managh kha bisigha amuir gamgaan nii?

³ Ee ikaani, khara phura ripheniri inaarir gumagh. A Marian otar, a Jems ri Josev koma Judas ri Saimon, a mena aveenafhesra. Anni umbuaramisi en phorugha iti.” Kamagha amuisima mee rimbovira akaar anm mbingiva navira averir anga avhesi.

⁴ Mee avhesima, Iesus kamagh mem mbingeeghi, “Gotina akam nigha zii gumagh, a unjuimbari igharisi tharsir zuima, mee anji izii ufhi. Anni unjuun ana andarsi, mee anji izii ufhi phati. An phorugha riphenani uvavire iti tharsi ivira anji izii ufhi phati.”

⁵ Kamagha amuisima a unjuun khavin non gamgaan khivasi phati. A phura afharin arimari

iti gumasiri uvhovhera menğa arisima, mena arimari giva.

⁶ Mee nighnighana aghavaghar anji iti phatisima, kamagha amuigha a ringavan maghatigha amui.

Iesus non gamgaanj khevima anj suren gumasi inderagha ana ikeenji phati

(Sapta 6.6--8.21)

Iesusim mbisevisir gumasir 12 pila, injaarir menğa aningava mee amanda

(Metiu 10.5-15 koma Luk 9.1-6)

Iesusi unjuimbagha aruava gumasi rako amisir surea amui.

⁷ Iesus men surea amuava, mbisevisi gumasir 12 pilan diisima, mee anjmiusua zesima, a mee akuvagha, mem mbingiva mee amandi. Gumaghan phunini noniin nigh manjiri, mamagha amuigha gumaghan phunini noniin nigha zui. A non gamgaanj mee raniintima mee ivira unduur maghatisi vatoghomi iziiri ikhaami.

⁸⁻⁹ Am mbingingiman khavin menğa amuighava mee amandi, "Gee maanji, bisi tharsi noriviusua anda nia thaghri. Gee uvighani utuma thav ko mbithar thav koma anjiro ovisi nia thaghri. Gee nona anjarir shaaria sharighiva, nomthegh shaara thav nia thaghri. Gee nona ashathevi ifhisira usuiragh maanji.

¹⁰ Gee kamagh ramuigh, maaniva unjuu thavin manjiti mee riphena thavin gee raniintima, gee riphenan khavire ikhii maaniva, manjngamiri uthughun gee unjuun khava thamiraghiri.

11 Gee kamaghira ramu maanji unjuu thavin manjitima, mee gena agharkuvigh gee nigh no riphenir manan agharkuvighiva, mee ivira gem mbingera akaava oraghan agharkuvight-ima, gee kamaghira ramu. Gee unjuun khava thaegh manjamiusua nona anjaririm mbinisi aphoeghiva unjuun khava thaegh maanji. Gee kamagh ramuighti, mee ganighi ikeengemi, mee othivhana aghuun genja amuisi phati.”

12 A kamagh mem mbikemigha mee amandasima mee unjuimbar guava Gotina akami ukura kamaghiusue, “Gee non navi ighighireghiri.”

13 Mee kamagh mem mbingiva, ivira gumasir avirari unduur maghatisi vathogha arimarir gumasira avirara mbiruer mena aphanighi njava menja amuima, mee nom indera.

Herotim mbikemisi mee Jon gumasi uruer gumaghani ufhira ritu

(Metiu 14.1-12 ko Luk 3.19-20 koma Luk 9.7-9)

14 Iesus bisira avirara amuisima anji izii otogha ikhevisima, gumasira avirara ana ikaani. Thighira kha anananga ativasir gumagh, Herot anm mbaraghi. Gumasir marsi kamaghim mbingeeghi, “Jon gumasi uruer gumagha aremigha nomthegeha rikavi. Kamagha amuigha a kha bisigha amuir gamgaan iti.”

15 Igharis tharsi kamaghim mbingeeghi, “A Elaija.” Marsi kamaghim mbingeeghi, “Khara Gotina akam nigha zesi gumaghan mav, a fhomira ikesir Gotina akam nigha zesi gumasir mina amui.”

16 Mee akaar kharsi vingeema, Herot andava araegha a ikaani, a fhomiram mbikemisi mee ufhuaragha Joni ufhira ritu. Kamagha amuisima a kamaghim mbingeeghi, “Ki fhomiram mbikemisima, mee gumaghan mav Jon, gumasi uruer gumaghani ufhira ritusima, a nomthegha rikavi.”

17-20 Herot kamagha amuigha a ikaani, a fhomira noni undooghan Filivi otighin anja amuun Herodias ana nigha anja athi. Jon mighasigha kamagh anm mbingeeghi, “Herot, nii othivhan maghatigha amuava noni undoogha otighin anja amuun nigha anja athi.” Jon kamaghim mbingeema, Herodias guisimbaanra nav an siima, kamagha amuigha a Jonim mbisueghti ana aremighaousua phuvira Herotim mbingeeghi. Am mbingeema, Herot Herodias vhusvhuisi moghin ramuan agharkuvighava, a non gumasir marsi vikemisima mee Jonini usuiragha ana nigha rivinan khirthigha athi. Herot ikaani, Jon Gotin arimaghaniin inderasi gumaghara ano ohevira aghuira amui. Kamagha amuisima Herot anja avhighavhiighava, ana nigha inderaghavira an gari. Herot ivira Jonim mbingera akaava oraegha nighinisira avirara amuava, anja akaava oraghaousua vhusvhusi.

21 Herodias thighira Jonim mbisueghti ana aremighaousua utuavi oto. Herot anji inaghamuun anm mbatesiri uthugho otosima, a kha uthughi nighnigha ishamani ikhiva amui. Herodias Jonim mbisoghomiri uthugh thighira oto. Herot ishaman khavi amuava, noni inaariri

ikiir garir gumasiri ikii, rako nom mbizorsir gumasir garir gumasiri ikii, rako Galilin distrighini iti gumasiri ikii, a men diisima mee anj phorough ramamiusua zee.

²² Mee zegha isham aphima Herodiasin guiv zava mee aphira ananan gugha mem mbinimani izi. A izima, Herotin phorugha zekhava aphir gumasi, mee anji ighiin ganigha guisimbaanra anji ighiin vhusvhusigha bar anji iphui. Mee bar anji iphuigha, mamagha amuigha Herot kamagh guivani ikamam mbinjeeghi, "Nii mana bighan vhusvhusighiv, nana azaan. Ki ma bighan nii raniinga."

²³ A kamagh anm mbikemigha, akama ringirana aghavagharan kamagh anm mbinjeeghi, "Ki guisimbaanra niim mbinjeeghi, nii bigha thavin vhusvhusighiva, nam mbikim. Ki garir bisi nii andar vhusvhusighiva, nii nam mbikimtima ki arighara anda biighiva, tharsir nii raniinga."

²⁴ Guivani ikaman khava akaman khavi oraegha, akirasegha gua kamagh noni inaghamuum mbinjeeghi, "Inaghamuuj, ki theghan bighousua azaanti?" Mauthughura anji inaghamuuj kamagh anm mbinjeeghi, "Jon, gumasi uruer gumaghana aphanamiusua ana azaantima, an anja aphan nigh nira aniingiri."

²⁵ Guivan khava akaman khavi oraegha, uzuamira nomthegeha aven gugha kamagh Herotim mbinjeeghi, "Nii thighira Jon, gumasi uruer gumaghana aphan nigh ithaan thav ratigh nara aniingiri."

26 Am mbingeema, Herot anm mbaraeghava anj nav bar anjo osemi. A ufhuaragha akama ringirana aghavagharam mbingeema anj phorugha apher gumasi anm mbaraghi. Kamagha amuisima an anja azaansigha athoeghem thughatis phati.

27 Herot anm mbaraghavire ikha, akamana aghavagharan nom mbizorughan gumagham mbikemigha ana amandasima a gua rivinan kirthighana aven gueghirigha Joni ufhirar ritu.

28 A Joni ufhirar rithugha anja aphan nigha ithaanj mavi athigha ana nigha zava guivan khavi anijsima ana na nigha guava noni inaghamuonja aniji.

29 Gumughun Jonin suren gumasi anjo ovhevheenja akamam mbaraegha zava anj khum nigha gua ana umoghi athi.

Iesus aghaer 5,000in gumasigha anindi

(Metiu 14.13-21 ko Luk 9.10-17 koma Jon 6.1-13)

30 Gumughun Iesusim mbisevisir gumasi nomthegeha zegha anja aghan nori akuvaghav iti. Mee aruava amuisi bisi rako, gumasir surea amuisira akaar gun Iesusim mbingeeghi.

31 Kha uthughun gumasi rako amisira avirara memiusua za zuima, mee ramangamiri uthugh phati. Kamagha amuisima Iesus kamagh mem mbingeeghi, "Gee norira nan phorugh manjiva gumasi iti phatisira ananan manjiva ee thange avughusuami."

32 A kamagh mem mbingiva mee norira akem nigha gumasi iti phatisira ananan mavin zui.

³³ Mee zuima, gumasi rako amisira avirara men ganigha mee ikaani. Unjuimbari iti gumasi rako amisi bar meni ufhuaraghavira akhirsisiigha gua mee zuira ananan otuivi.

³⁴ Mee gua mbikeenj guegha Iesus gumasi rako amisir aviran garima, mee guisimbaanra bar avirekevi. A men garima, mee sivsiviir mina amui, mee gueenj khekhaenji phati, mee phura asasir mina arui. A kamagh bar meni ukuarukuvi. Kamagha amuigha a bisira avirara men surea amui.

³⁵ Am mbingivire itima, aro gevima anj suren gumasi anmiusua za kamagh anm mbingeeghi, "Khara gumasi iti phatisira anan, aro gevi.

³⁶ Nii gumasi rako amisi amandaghti, mee maanji kha ananani itiri unjuimba rako aghangera itiri unjuimbar sovsegher maniva mee ramamiusua nori vagha aghaeghu uvhuesami."

³⁷ Mem mbikemisima a mee ikaragha kamaghim mbingeeghi, "Gee nori aghae tharsir mee raniij." A mem mbikemisima mee kamagh anm mbingeeghi, "Ee memiusua uvisiri uthughu uvhuesamira anjiro ovisi anda 200ti utu. Ee anda nigh, maanji, memiusua uvisiri uthughu uvhuesigh mee raniijmiusua, nii vhusvhuisi o?"

³⁸ Iesus mena azaaghi, "Gee manmaghira uvisiri uthuu iti? Gee maanji gan." Am mbikemisi, mee gua ganigha kamagh anm mbingeeghi, "Ee uvisiri uthuur 5 pila koma osiran phuninira khari iti."

³⁹⁻⁴⁰ Mauthughura Iesus mem mbikemisi mee gumasi rako amisi vingeema, mee norira nori isigha izighinani iphina apiigha. Mee nori isir-

agha phosigha amuigha apiigha marsi 50 pılan amemeenɲ apiighi, marsi 100 pılan amemeenɲ apiigha gue.

⁴¹ Mee apiighav itima, Iesus uvisiri uthuur 5 pıla koma osiran phunini nighava, iphin ovheen garav Gotim mbinambagha uvisiri uthuua biighiusue. Iesus non suren gumasi vinjeema, mee anda nia, gumasi rako amisi menja anindi. A ivira osirani phorugha biighiusuesima, mee anda nigha, menja anindi.

⁴² Gumasi rako amisir kharsi bar amegha, navi bar iziva.

⁴³ Men navi bar izivasima Iesusin suren gumasi, mee thaesira aghaero othevi nigha 12 pıla akiragha aghuisima, anda bar iziva.

⁴⁴ Aghae amesi gumasir rimbomboni gua 5,000ini utu.

*Iesus rimini iphini utuiva zui
(Metiu 14.22-36 koma Jon 6.16-21)*

⁴⁵ Gumasi rako amisi aghae amesima, Iesus kamagh non suren gumasira afhirigha kamaghiusue, "Gee akeman binighiva ufhuaragh Bet-saidani unjuun muaanmogh maani. Ki nombire ikhiva gumasi rako amisi amandaghtima mee nomthegh noni unjuimbar manjanja."

⁴⁶ A mee amandasi, mee guesima, a Gotin phorughum mbikimamiusua oraghin guavanambo.

⁴⁷ Kha uthughun amin phirima, mena akem rimin thoonni itima, Iesus nombira ataanji iti.

⁴⁸ A ikhava non suren gumasir garima, gamiinna aghavaghar zava mena akemanji uvhaaghi. Mee aghosava amua injaarani ikhiva

amuava gamiijn phorugha mee nori vathosi. Amini itiisuava amuima, Iesus rimini iphini utuiva memiusua zui. A gua menji indiragh manamiusuava amuima,

⁴⁹⁻⁵⁰ mauthughura mee anj garima, a rimini iphini utuiva zuima, mee kamaghi nighinisi, "Khara ti asaan thavti." Mee nighnighan khavi amuava, bar anj ganigha phuvira atitiingaraaghi. Mee araema, a uzuamira kamagh mem mbingeeghi, "Gee gamgaengiri, kira khara. Gee atitiijn thaghri!"

⁵¹⁻⁵² A kamagh mem mbingiva, mem mbathighin akemana aven gusima, gamiijn phura rithugha gu. Iesus 5,000in gumasi uvisiri uthuur menja aniijsi, mee anda amesima, mee bighan khavin ganigha, thange ikeensi bar phati. Men navia aghavagharigha nighinisi othevigha bar isaghure iti. Kamagha amuigha mee bisir kharsighi nighnighava guisimbaanra ringavan maghatigha amui.

⁵³ Gumughun Iesus non suren gumasir phorugha rimin muaanmogh guegha, guava Gensaretini unjuun otuivigha, akemi ike.

⁵⁴ Mee akemi ikegha ataan anandima, gumasi rako amisi Iesusin garavire ikha ana ikaaji.

⁵⁵ Mee ana ikeenga, gumasi rako amisi Iesus itira ananam mbaraegha, akhirisigha ananan khavi aruava nona arimarir gumasi nia mee akhuriigha ariigha mee nia Iesusiusua zii.

⁵⁶ Iesusi unjuimbari ikii rako unjuimbari undosi rako uruariri unjuimba andar zui. A zuri unjuimbar kharsi mee othivhan khavira amui, mee arimarir gumasi nigha zava unjuun

thoonn anda arighava, anga aghora kam-
aghiusue, a men miratightima, arimari iti tharsi
an shaarana avaraniin khiskhisami. Gumasi
rako amisi an shaaran khisi tharsi, mena
arimari gevi.

7

Gotin othevi Judarir avaviro othevigha afhira (Metiu 15.1-9)

¹ Farisiin gumasir marsi rako Judariro othevi
ikeensi gumasir marsi, mee Jerusalemni ikegha,
zeghirava, Iesusiusua zava ana akuva.

² Mee za ikha garima, Iesusin suren gumasir
marsi mena avaviro otheviri usuiraghavire ikha
afhari uruegha aghae aphi phati. Mee phura
aghae aphi.

³ Farisiin kharsi koma igharisi Judarir gu-
masi rako amisi bar, mee nona avaviro otheviri
usuiraghavire ikhava, mee afhari uruava aphi.
Mee phura aghae raman thughatis phati.

⁴ Mee ivira phoghin nigha ziir aghae, mee
anda raman thughatis phati. Mee ufhuaragh
anda urueghiva anda raman. Mee ivira
nona avaviro othevir avirar marsi phorugha
usuiragha khighavire iti. Mee phura aghae
ishamigh rameghem thughatis phatighami. Mee
ufhuaragh nom mbine rako ithaarigha, baghaa
rako apiisira akosi, urueghiva mee aghae
ishaman.

⁵ Kamagha amuisi, Farisiin rako Judariro oth-
evi ikeensi gumasi, mee Iesusina azaaghi, "Man-
magha amuigha niin suren gumasi ena avaviro

othevir gin maanji afhari uruani iphirphirigha, phura aghae aphi?"

⁶ Mem mbikemisima Iesus mee ikaragha kamaghim mbinjeeghi, "Gee norira norir khorigha amuir gumasira. Gotina akam nigha zesi gumagh Aisaia, a guisimbaanra gee amuiro othevir gunim mbinjiva kamagh osiri, 'Gumasi rako amisir kharsi, mee nona akaa thoorir nani izii ufhi, men navi rako nighinisi bar isaghuni iti.

⁷ Mee gumasira akaar norir surea amua norir khorigha amua kamaghiusue, khara Gotina akam. Kamagha amuigha, mee nani izii guisimbaanra ana ufhi phati.'

⁸ Gee kamagha amua, Gotina akaa, gee anda thaegha, nona avaviro othevi, andari usuragha aghavaghari."

⁹ Am mbinji guava kamagh mem mbinjeeghi, "Gee kamaghiusue, gee othivhana aghuunga amua Gotin akaa thaegha nono othevir gin zui. Geno othevir kharsi bar maghatighi.

¹⁰ Moses fhomira kamaghim mbikemi, 'Gee noni inasi rako inaghamuura akaava oraegh mena apheenji ikhiva, gumagha thava akaman maghatigha thav noni inaghaves ko inaghamuum mbikemighti, gee gumaghan khavim mbisueghtima ana aremighiri.'

¹¹ Gee kamaghim mbinjeeghi, 'Gumagha thav noni inaghamuun ko inaghavesina akuruvaghaousua angiro ovisi rarighan nighiniighava gin a nomthegeha kamagha aninm mbinjeeghi, "Angona akuruvaghaousua athisi angiro ovisi, ango marikii. Kha anda nigh Got raniingami."

12 Gee kamaghim mbingeema, gumaghan khav bigha thav noni inaghamuuj ko inaghavesina akurasi phati.

13 Gee kamagha amuava, nona avavi nisiro othevir gin gua, anda igharisi gumasigha anindi. Gee othevir kharsigha amua, Gotin othevia thaegha, nona avaviro othevi ufhuaraghavira anda arisi. Gee Gotina akamanga amuima a phura bighin maghi. Gee amuir bisir avirar marsi ivire iti.”

Gotin arimaghaniijn maghatiisir bisi, Iesus anda vingeeghi

(Metiu 15.10-20)

14 Iesus nomthegeha nombina aghani iti gumasi rako amisir diisima, mee anmiusua zima, a kamagh mem mbingeeghi, “Gee bar nam mbaraeghiva nana akaar kharsi, inderaghivira anda ikeengiri.

15-16 Bigha thava akirani ikeghiva gumaghan navana aven meghirigh an ramuighti, a Gotin arimaghaniijn maghatiighem phati. Phati, gumaghan navana aveni ikegha akiran zesi bisi, an ramuightima, a Gotin arimaghaniijn maghatiighemi.”

17 Iesus akaar kharsir gumasi rako amisira avirara mbikemigha, mee thaegha guava riphenana aven gusima, an suren gumasi aghunamana akamam mbiniijn mbaanmiusua an azaaghi.

18-19 Mem mbikemisima Iesus kamagh mem mbingeeghi, “Eei! Gee onanisire? Gee ivira akaman khav inderaghavira ana ikeensi

phatisire? Gee bighan khav ikeensire? Aghaa thav guisimbaanra gumaghan navana aven meghirigh ikeghem thughatis phati. Anda anj navana aven meghirighiv, anjñi umuun meghirightima a gina andar avighemi. Kamagha amuisi gumagha apher bigha thav akirani ikegh anjña akamndoonniinj ko umuun meghirighiv, anjñi umu ramuightima a Gotin arimaghaniinj maghatiighem thughatis phati.” Iesusa akamana aghavagharan kamaghim mbingi kamaghiusue, aghae bar Gotin arimaghaniinj bar indera. Oririvi phati.

²⁰ Am mbingi guava kamagh mem mbingeeghi, “Gumaghan navana aveni ikegha akiran zesi bisi, anda othevir maghatisi, anda anjña amuima, anjñ navana avee Gotin arimaghaniinj maghati.

²¹ Gumaghan navana aveni ikegha akiran zesi othevi khara, nighinisir maghatisi, gumasi rako amisi atamatam norir phorughava akui, bisi okeeghi, gumasi visosi anda arighiri,

²² pharaghamuui norir okeeghi, mbighiravira bisir vhusvhusi, igharisi gumasi menja asighasighaousua nighinisi, khoriro othevi, ameri phatisiro othevir maghatisi, bisivagha nav oseeghi, igharisi gumaghani iziira afharavasi, nombira nombi ufhi, onjanisiro othevi,

²³ othevir maghatisir kharsi bar navana aveni ikegha akiran za, gumagha amuima a Gotin arimaghaniinj maghati.”

Fonisiana anjanana amighan mav nighnighana

aghavaghar Iesusini iti
(Metiu 15.21-28)

²⁴ Iesus Genesareta thaegha Tairini unjuuni ikhivan ananan gu. A gumasi rako amisi ana ikhaangamim mbaan anna agharkuvigha, mondugha guava riphenan mavina aven gugha monduisi phati. Mee bar ikaani, a riphenana aveni iti.

²⁵ A riphenan khavini itima, utuman maghatigh aphasasir guivani inaghamuun, a Iesus zesir arori oraegha, uzuamira anmiusua zava an anjariri iri.

²⁶ Amighan khav, anni inaghamuun Fonisiana ananan anm mbate. A Sirian distrighini ikhivana aveni iti. A Grighiinna akamam mbingeeghi. A non guiva aphasasiri utuman maghatighan khavi avharaghaousua Iesusim mbingiva anga aghori.

²⁷ Am mbingeema, Iesus kamagh anm mbingeeghi, "Ee ufhuaragh boorir aghae mee raniinti, mee ramanga. Othivhan maghatigh, ki boorir aghae nigh afhee vikinanga."

²⁸ Am mbingeema amigh kamagh Iesusim mbingeeghi, "Ikhiv, Ki ikaani, afhee ivira boorir akoghin apheenini iresir aghae vizuii aphii."

²⁹ Am mbingeema Iesus kamagh anm mbingeeghi, "Niim mbingingim indera. Kamagha amuisi nii nomtheugh no riphenan maani. Utuman maghatighan khav niin guiva thaegha akiran zee."

³⁰ Ana anm mbikemisima, a nomthegha no riphenan gua garima, an guiv nona akoghi irighav iti. Mauthughura an an ganigha ikaani,

utuman maghatighan khav ana thaegha akiran gu.

Iesus gumaghani ukuaraniin onanisi mavin akurasima a indera

³¹ Iesus rikhavigha Tairini unjuum mbirogha thaegha, guava Saidonini unjuun otogha guava, Dekapolisin distrighin otogha gua, Galilin rimim mbiroghin gueghiri.

³² A gusima, gumasir marsi gumaghani ukuaraniin onanisi mav nigha Iesusiusua zii. A iviram mbizi osemigha inderaghaviram mbinge phati. Mee zegha afharin anra righaousua Iesusi aghori.

³³ Am mbingeema Iesus gumaghan khav nigha gumasira avirara thaegha aniin noniinra mbininiin gugha, a nona afharin gumaghani ukuaraniinga athigha aniin asigharafha, a maghira nona afharini ufheeniingi ipharigha anm mbizaan khii.

³⁴ Mauthughura Iesus iphino ovheen garav, gumaghan khaviusua nav biigha arava kamaghim mbingeeghi, "Efata!" Akaman khavim mbiniin kamagh gu, "Ukuighirighiri!"

³⁵ Iesus kamaghim mbingivire itima, anni ukuarani ukuighiri. Mauthughura anm mbizi mbighivighighi. A inderaghavira bisi vingeeghi.

³⁶ Iesusa akamana aghavagharan bighan khavin gunim mbikiman mee righorigharui. A mee righorigharuisima mee nomthegeha phuvira bighan khavin gunim mbingivire iti.

³⁷ Mee akaman khavim mbingeema, gumasi rako amisir kharsi anm mbaraegha guisim-baanra ringavan maghatigha amuigha kamaghim mbingeeghi, "Gumaghan khav ana amuir bisi anda bar indera. A ukuari ojanisi tharsigha amuima, mee nomthegeha orasi. Am, mbizeri osemisi tharsigha amuima, mee nomthegeha inderaghavira bisi vingeeghi."

8

Iesus aghaer 4,000in gumasi rako amisigha anindi

(Metiu 15.32-39 koma Metiu 16.1-4)

¹ Kha uthughun gumasi rako amisir avirari igharis tharsi nori akuvaghav iti. Mee ramangamir aghae phati. Kamagha amuisima Iesus non suren gumasir diisima mee anmiusua zima a kamagh mem mbingeeghi,

² "Gumasi rako amisir kharsi, mee nan phorugh aron phunini ko mbikethavini itima, aghae mange othevisima mbitii mena azi, kamagha amuisima ki meni ukuarukuvi.

³ Gumasir marsi isaghuni ikegha zee. Kamagha amuisi ki mee amandaghtima mem mbitiir navira nori noni unuimbar manjiva arimasi mengi ighutima mee iraami."

⁴ Am mbikemisima anj suren gumasi anja akam ikara, "Ee gumasi iti phatisira ananan khavini iti. Ee managh membagha uvisiri uthuu nigh mee raniinti?"

⁵ Mee kamaghim mbingeema Iesus kamagh mena azaaghi, "Gee manmaghira uvisiri uthuu

iti?" Mee ana ikaragha kamaghim mbingeeghi, "7 pila."

⁶ Mem mbikemisima Iesus unuaghinara api-ighousua gumasi rako amisi vikemisi mee api-igha. Mauthughura a 7 pila uvisiri uthuu nigha Gotim mbinambagha anda biighiusuegha, gumasi rako amisir aniinmiusua non suren gumasigha aniinsima mee andar menja anindi.

⁷ Mee ivira osirir sovsegher move iti. A ivira andavhagha Gotim mbinambagha andar mee raniinmiusua non suren gumasi vingeeghi.

⁸ Gumasi rako amisira avirara mee amegha bar iziva. Gin an non suren gumasi aghaero othevi mee thamiraesi tharsi, mee anda nigha 7 pila akirari ikhiigha aghuisima, anda iziva.

⁹ Uthughun khavini itir gumasi rako amisir rimbomboni 4,000ina aghan gu. Mee amesima, a mee amandasi, mee noni ujuimbar gue.

¹⁰ Mee zuima, a non suren gumasir phorugha akeman binigha, Dalmanutana ananan gue.

¹¹ Mee guesima Farisiin zegha khoruo amuir azaansisir Iesusia amui. Gota aghavagharan anra raniinti, a non gamgaan bigha thavi ramuightima mee ganighi ikeengim mbikimanga, "Got guisimbaanra ana amanda."

¹² Mem mbikemisima a men khoruo amuir azaansisir kharsighi iphirphirigha ughurii usuegha, mem mbingeeghi, "Gee thighira khari iti gumasi rako amisi, thoghousua bisigha amuir gamgaan khivaousua nana azaaghi? Ki guisimbaanra gem mbingeeghi, Got kha bisigha amuir gamgaan no othivha thavin gen khivagham thughathis phati."

13 A mem mbikemigha a mee thaegha nomthegha akemana anambogha, rimin muaanmogh gu.

Farisiin rako Herotin iisin aghunamana akam (Metiu 16.5-12)

14 Mee gua Iesusin suren gumasi uvisiri uthuur nighnigh onanigha gue. Mee uvighani utumani uvavira nisima a men phorugha akemani iti.

15 Thighira Iesusa akamana aghavagharan kamagh mem mbinjgeeghi, "Gee inderaghivira noriviusua gan! Gee inderaghivira Farisiin iis ko Herotin iisiusua phorugh inderaghavira ganiri."

16 Iesus mem mbikemisima, mee kamagh norira nori vinjgeeghi, "Ee uvighani utuma thav nigha zesi phatisima, kamagha amuisima an eem mbinjgeeghi."

17 Mee norira nori vinjgeema, Iesus mem mbinjingi ikeenga kamagh mena azaaghi, "Gee thoghousua kamaghiusue, ee uvighani utuma thav nigha zesi phati? Eei, gee kha amui bisir garava anda ingaere? Gee thighari inderaghivira anda ikaantire? Gen navia aghavagharigha nighinisi othevigha bar isaghure iti.

18 Gee arimasi ikha, garir phatisire? Gee ukuari ikha, orasi phatisire? Gee bisir kharsighi nighinisi phatisire?

19 Gee, ki uvisiri uthuur 5 pila biighiusuegha genga aniijsima, gee 5,000in gumasigha aniijsima, mee anda apha izivagha, thaesiro othevi gee andar manmaghira akiragha aghui?"

Mee kamagh ane ikara, “Ee 12 pila akiragh aghui.”

²⁰ A nomthegeha kamagh mem mbingeeghi, “Ki uvisiri uthuur 7 pila biighiusueghe genge aniinsima, gee 4,000in gumasi rako amisigha aniinsima, mee anda apha izivasi gee andaro othevir akirar manmaghira aghui?” Mee kamagha ana ikara, “Ee 7 pila akirari ikhiigha aghui.”

²¹ Mee kamagh anm mbingeema, a kamagh mem mbingeeghi, “Gii, gee thighar bisi ikaantire.”

Jesus non suren gumasir surea amui

(Sapta 8.22--10.52)

Jesus Betsaidan gumaghan arimaghan thughaniim mbizesi mavin akurasi, ana arimaghaniin nom indera

²² Mee Betsaidan guesima, gumasir marsi gumaghan arimaghan thughaniim mbizesi mav nigha, Iesusiusua zii. Mee zegha afharin anra righaousuava Iesusi aghori.

²³ Mem mbikemisima Jesus gumaghan arimaghan thughaniim mbizesi thavina afharimuuni usuragha, ana nigha unuua thaegha akiran gu. Aniin akiran gugha, Jesus gumaghan arimaghaniingi ipharigha nona afharimuun anni iphia athigha kamagh anna azaaghi, “Nii bigha thavin gari?”

²⁴ Ana anm mbikemisima gumaghan khav khogha garava kamaghim mbingeeghi, “Anre, ki garima, gumasi ther min garava arui.”

25 Mauthughura Iesus nomthegha nona afharimuun anj arimaghaniinj usuirasima, gumaghan arimaghaniinj ukuighirisima, a nom inderaghivira bisir gari.

26 A garima, Iesus ana amandagha kamaghim mbingeeghi, "Nii nomtheghiva unjuun khavina aven manjan thaghri. Nii nor riphenan maanjiri."

Pita Iesusin gunim mbingeeghi

(Metiu 16.13-20 koma Luk 9.18-21)

27 Iesus non suren gumasir phorugha rikhavigha Sisariafilipaini unjuuna aghani itiri unjuimbar sovsegher zui. Mee gua a utuavin mena azaaghi, "Gumasi rako amisi thiinjra nanja arisi?"

28 Mee ana ikaragha, "Marsi kamaghiusue, nii Jon, gumasi uruer gumagh. Igharisi gumasi kamaghiusue, nii Gotina akam nigha zesi gumagh Elaija. Marsi kamaghiusue, nii fhomira ikesir Gotina akam nigha zesi gumaghan mav."

29 Mem mbikemisima Iesus kamagh mena azaaghi, "Geegha? Gee thiinjra nanja arisi?" A mem mbikemisima Pita kamagh ana ikara, "Nii Kraisi, Got nom ee niariusua mbisevisir gumagh."

30 An anj mbikemisima, Iesusa akamana aghavagharan kamagh mem mbingeeghi, "Gee nan gun gumagha thavim mbikima thaghri, ki thiinjra."

Iesus nono ovhevheejna akam koma nomtheghi rikavamir mbingingimanga amui

(Metiu 16.21-28 koma Luk 9.22-27)

31 Iesus men surea amuava kamaghim mbingeeghi, "Gumasir Otar barim mbizasiri ikii rako osimndisi nianga. Gumasira aphan, koma Gotina aphuraphurava aghae rako bisir anga anindir gumasiri ikii, koma Judariro othevi ikeenji gumasi, mee anja agharkuvighiva ana nigh igharisi mbuzorsir gumasir raniintima mee anm mbisueghtima ana aremighemi. Gumughun, uthughun phunini ko mbikethav givaghtima a nomtheghi rikavighemi."

32 Iesus kamagh nono ovhevheenna akama aghurigha mem mbingeema, Pita ana nigha mbikeenji gugh, anja atarava kamagh anm mbingeeghi, "Nii kamaghim mbikiman bar thaeghri."

33 A kamaghim mbingeema, Iesus oragha non suren gumasir garava, Pita avesa kamagh anm mbingeeghi, "Satan, nii namiusua isagh muna maanji! Nii gumasir bisighi nighnigha, Gotin bisighi nighinisi phati."

34 Gumughun Iesus, gumasi rako amisir diiva ivira non suren gumasir diisima, mee anmiusua zima, a kamagh mem mbingeeghi, "Gumagha thav nan gin zaasa, a vhusvhuisi bisi gina amandagh non khani ighuuve isaghuphughuva nan gin zii.

35 Gumagha anamire ikaaousua nighinisi, anji utum a mighasigh ikhaamiri ikirana aghuun nighem phati. Gumagh nanji nighnigha nana akamana aghuun ukurava arui thav ana aremightima anji utum a mighasigh ikhaamiri ikirana aghuun nianga.

36 Gumagha thav unuaghinani iti bisi bar

anda nighiva, a gina aremighi, bisir kharsi manmaghira anja akuraghti? Bar phati.

³⁷ A uvhuesan manavin noni utum anjusua an raniinti? Bar phati.

³⁸ Thighire itir gumasi rako amisi mee Gotin akirasegha othevir maghatisigha amui. Mena thiira nani izii ko nana akaman gunim mbikiman anemsiightima, gin Gumasir Otar noni inaghavesini unuuni ikegh ziva ivira mena anemsiighemi. A enselir aghuuir phorugh Gotin anarana aven zighiraami.”

9

¹ Iesusim mbingi guava kamaghim mbingeeghi, “Ki guisimbaanra gem mbingeeghi, gee khaghi utuivighav iti tharsi, gena tharsi aremighem phatighami. Gee ikhivire ikhii gantima, Got kha bisigha ativamiri uthugh, aghavagharan phorugh zighiraami.”

*Iesusim mbikarigh igharagha oto
(Metiu 17.1-13 koma Luk 9.28-36)*

² Uthusir 6 pila givasima, Iesus Pita ri Jems koma Jon mee nigha oraghini ikhivan guavanambogha, mee norira anamoghi iti. Ana anamogh anm mbikarigh mena arimasi rifhaanji igharaghavo oto.

³ Anj shaarana anarana aghavagharan khav guisimbaanra ughurighava afho. Ughuran khav unuaghinan gumagha thavi uruesir bighani ughura thavin min gari phati.

4 Mauthughura mee garima Elaija ri Moses otogha Iesusin phorugha mee nori vingeeghi.*

5-6 Mee nori vingeeghi itima, Pita ri Jems koma Jon mee bar atitiinga, Pita mbikimangamirim mbingigigha asagha phura kamagh Iesusim mbingeeghi, “Fhigin gumagh, ee bar inder-aghivira amuigha khagh iti! Ee ambikhavan phunini ko mbikethav ramuanga. Niimiusua thav, Mosesiusua thav, Elaijagha thav.”

7 Mauthughura, gu usuiragha mee avarasima itijn mav guan thoon otogha kamaghim mbingeeghi, “Khara nano Otar, ki bar an vhusvhusi. Gee anara oraaghiri!”

8 Mauthughura uzuamira mee gara nomthegha gumagha thavin ganisi phati. Iesus nombira men phorugha iti.

9 Mee nomthegha oraghin zighirava Iesus mee ganisir bisir gun gumagha thavim mbikiman bar men thiva. Kamaghire ikhii maanji Gumasir Otar aremigh nomtheghi rikavighemi.

10 Mee ganisi bighan khav mere itima, mee ana aremigh nomtheghi rikavamira akamam mbiniin mbaanmuisua norira nori vingeeghi.

11 Gumughun mee anna azaaghi, “Manmaghiusua Judariro othevi ikeensi gumasi kamaghiusue, Elaija ufhuaragh zeghtima, Got nom ee niamiusua mbisevisir gumagh gin zaami?”

12 Mem mbikemisima Iesus mena azaansigh ikara, “Guisimbaanra Elaija ufhuaragha zeghava bisia rikiri. Thoghousua fhomira Gotim

* 9:4 Moses ri Elaija bar fhomira aremisima, Iesus boghumira unuaghin khavin zee.

mbigharani itiro osir kamagh iti, 'Gumasir Otarim mbizasi nitima mee akiran anga aseghemi?'

¹³ Ki gem mbingeeghi, Elaija zegha giva. Mee fhomira Gotina akama osira nori bisir kharsi an ramuamiusua mbikemisi moghin, gumasi rako amisi mee non vhusvhusan min gua nono othevir anga amuigha giva." *

Iesusi utuman maghatigh aphasasir otar anga amuisima a nom indera

(Metiu 17.14-23 koma Luk 9.37-45)

¹⁴ Mee za suren gumasir marsi mem mbatu-ivigha garima gumasi rako amisira avirara mee akuvasima Judariro othevi ikeensi gumasi men phorugha nori vingi nori vathosi.

¹⁵ Mee nori vatosima gumasi rako amisi Iesusin garavire ikha ringavan maghatigha amuigha uthughun an raniinmiusua akhrisiigha zui.

¹⁶ Iesus kamagh mena azaaghi, "Gee thoghousua men phorugha gee nori vathosi?"

¹⁷ Gumaghan mav gumasi rako amisira aviran thoonni ikhava kamaghim mbingeeghi, "Fhigin gumagh, ki nono otar nigha niimiusua zee, utuman maghatigh anga aphasasima, am mbinge phati.

¹⁸ An anga amuiri uthughun, ana na ukurima a daaghira, phuvii anna akamndoonim mbisevi,

* **9:13** Uthughun khavin Iesus Elaija zaami bighaanm mbingeeghi, guisimbaanra Jon, gumasi uruer gumagh am mbingeeghi. Nii ikaanmiusua, Metiu 17.12in gan. Joni ufhuaragha zava Iesus zaaousua anmiusua utuavia rikiri.

aŋna atari nori vitivima aŋm mbikirivasi. Ki utuman maghatigha avharaghavharaghaousua niin suren gumasira azarasi mee aŋga avharasi phati.”

¹⁹ Ana aŋm mbikemisima Iesus kamaghim mbiŋgeeghi, “Oio! Ki bara amira, thighira itir gumasi rako amisi nighinisia aghavagharisi phati. Ki fhomira gen phorugha itima, gee daasughun bigha thav ikeengiti? Ki mighasigh geno osimndisira nitire? Otar nigh namiusua zii.”

²⁰ A mem mbikemisima mee otar Iesusiusua ana nigha zee. Mauthughura utuman maghatigh Iesusin garavira, maghira otara amuima a inisi. A unuaghinaŋgi irigha uphoghuphogha phuvii aŋna akamndooŋninim mbisevi.

²¹ Am mbisevima Iesus otarani inaghavesina azara, “A mana uthughuni utuman maghatigh aŋga aphaasa?” An aŋm mbikemisima, inaghaves kamaghim mbiŋgeeghi, “A iririvare itima an aŋga aphaasa.

²² An aŋ ramuightima ana aremighaousua uthusira avirara ana ukurima ana arivi rako riphar gueghiri. Nii ena akuruvaghamir gamgaan ikhitima, nii eni ukuarukuvighiva ena akuraghiri.”

²³ An aŋm mbikemisima Iesus kamaghim mbiŋgeeghi, “Nii thoghousua kamaghiusue nii gamgaan ikhiva nana akura? Nii nighnighana aghavaghar ikhitima bisir kharsi bar othuihami.”

²⁴ An aŋm mbikemisima otarani inaghaves uzuamira kamagh diigham mbiŋgeeghi, “Ki

nighnighana aghavaghar ikhava, ano othevi. Kamagha amuisima, nii nana akura!”

²⁵ Iesus garima gumasi rako amisi akirsiigha mena aghan zesima a utuman maghatigha athogha kamagh anm mbinjgeeghi, “Nii kha utuman maghatigh gumasigha amuima mee ukuari onandava mbinjger phatisi thav. Ki niim mbinjgeeghi, nii akiran zii, nii nomthegeh aven maana thaghri!”

²⁶ Mauthughura utuman khavi oraegha mbighiravira ana ikuskusava akiran zesima otar gumaghan khuman min gari. Kamagha amuisima gumasi rako amisira avirara kamaghim mbinjgeeghi, “Ana aremi.”

²⁷ Mem mbikemisima Iesus ana afharini usuiragha ana ufhesi a rikhavigha utu.

²⁸ Gumughun Iesus riphenana aven gugha non suren gumasir phorugha mee norire ikhav ikha, mee kamagh anna azaaghi, “Manmagha amuigha, ee utuman maghatighan khavi avharava avheenji?”

²⁹ Mem mbikemisima a kamagh mee ikara, “Kamagha amuiri unduur maghatisi gee Gotin phorughum mbikimiva andagha avaraghti anda akiran zaami. Nomthegha igharisi utuav thavi iti phati, utuavini uvavira.”

³⁰⁻³¹ Mee ananan khava thaegha Galilin distrighin otogha zui. Mee gua Iesus non suren gumasir surea amui. Bighan kuanmiusua Iesus mee itira anan gumagha thav ikhaan a iphirphiri. Mee guava, a kamagh men phorugham mbinjgeeghi, “Mee Gumasir Otar nighiva gumasira afhari ratighiva, gumughun

mee aŋm mbisueghti ana aremighiva, gumughuni uthughun phunini ko mbikethav givaghtima a nomtheghi rikavighemi.”

³² A mem mbikemisima mee am mbingŋi ikeenŋi phatigha, kamagha amuigha mee aŋna azaaŋsighana atitiŋi.

Thiŋre Ikhiv

(Metiu 18.1-5 koma Luk 9.46-48)

³³ Mee Kaperneamin zegha riphenana aveni ikha Iesus mena azaaghi, “Gee utuavin thaegham mbingŋi nori vathosi?”

³⁴ Mee utuavin nori vathogha nori viŋgi kamaghiusue, “Thiŋre ikhiv?” Kamagha amuisi mee inimire iti.

³⁵ Gumughun Iesus apheraghav ikhava mbisevisir gumasir 12 pilan diigha kamaghim mbingeeghi, “Thiŋ ufhuaragh ikaaousua, a gini ikhiva gumasi bar meni injaaran gumagh ikhiri.”

³⁶ Mauthughura Iesus otaran sovange nigha men thooŋn ana rafhasi a utughavi itima, a nona agharaniŋn ana umuigha kamagh mem mbingeeghi,

³⁷ “Gumagha thav nanŋi nighinisi moghin kha otaran sovangen min garir thav nigh ana akuraghami, a kamagh na nigha nana akuruvasi. Niŋ thiŋra nana akuruvasi, niŋ nara amui phati. Niŋ na amandasi gumagh ivira aŋga amui.”

Thiŋ ena aphananŋa amui phati, a enav

(Luk 9.49-50)

³⁸ Jon kamagh aŋm mbingeeghi, “Fhiŋhin gumagh, ee garima gumaghan mav unduur

maghatisi niini iziin anda vathosi. Ee ikaani, a ena mav phati, ee anj thevi.”

³⁹ Gumughun Iesus kamaghim mbingeeghi, “Anj thivan thaghri. Gumagha thav nani iziin gamgaanj bisi ramuva, kha uthusir ana akaar maghatisir na ramuighem thughatis phati.

⁴⁰ Thiinj ena aphananga amui phati a enav.

⁴¹ Ki guisimbaanra gem mbingeeghi, gee Kraisina andarsi. Kraisa a Got nom ee niamiusua mbisevisir gumagh. Kamagha amuisima thiinjra nani iziin rimin gee raniingemi, a guisimbaanra noni uvhues nianga.”

Othevir maghatisi nighnighana aghavaghara afharavasi

(Metiu 18.6-9 koma Luk 17.1-2)

⁴² Iesusim mbingi guava kamaghim mbingeeghi, “Otaran kha thav nighnighana aghavaghar nani ikithi, nii thiinjra anra amuightima ano othivhan maghatigha thavi ramuighemi. Niiim mbinjue phatisir arivan maniva bari uvhuesan maghatigh nighemi. Mee akimani ikhiv niini ufhirara afhaghiva onaram mbikinightima nii aremighemi. Kamagh indera.

⁴³⁻⁴⁴ Kamagha amuisi niina afharimuu nii ramuightima nii othivhan maghatigha thav ramuightima, ana ritu. Kamagh indera, nii afharimuuni uvavire ikhiv, a mighasigha itiri ikirana aghuunj niangami. Niina afharimuuni ivire ikhiva nii ramuightima niiim mbinjue phatisir arivani unjuun manjannga.

⁴⁵⁻⁴⁶ Niini usua thav nii ramuightima nii othivhan maghatigha thav ramuightima, ana

ritu. Kamagh indera, nii usuani uvavire ikhiva, mighasigha itiri ikirana aghuon niangami. Niini usuani ivire ikithi Got nii nighiva mbunje phatisir arivan nii ukunighemi.

⁴⁷ Niina arimagha thav nii ramuightima nii othivhan maghatigha thav ramuightima ana sii. Kamagh indera, nii arimaghani uvavire ikhiva Got kha bisigha ativamiri uthughuna aven manjanga. Niina arimaghaniin ivire ikithi Got nii nighiva mbunje phatisir arivan nii ukunighemi.

⁴⁸ Ananan khav aphisiri unusi mem mbikarisi aphi tharsi gevi phati. Mem mbikarisir sir ariv ivira mbunje phati.

⁴⁹ Gumasi Gotina aphuraphurir aghaera aninmiasua amaaghasighan aghaegha arigha arivan anda utuava anda nigha, Goti anindi. Amaaghasigh arivani utuir aghaegha amuima anda Gotin arimaghaniin indera. Osimndisi amaaghasighan mina amui. Amaaghasigh mee utueghtima mee utuivigha aghavagharighiv osimndisi otuivtima mee Gotin arimaghaniin inderaghami.

⁵⁰ Amaaghasigh a indera, a nono ovheera thaeghti, nii manmagh an ramuightima a nomthegh ovheerighti? Osimndisi amaaghasighan mina amui. Amaaghasigh gen navana aveni ikhitima gee nava aminndighani ikhii.”

10

*Pharaghamuui noria thamirasi
(Metiu 19.1-12 koma Luk 16.18)*

¹ Iesusi unjuun khava thaegha guava, Judian distrighin guava Jordani rimin muaanmogho oto. Ana otosima, gumasi rako amisira avirara nomthegha zava, ana akuvasima, a mighasigha amui moghira men surea amui.

² A men surea amuima, Farisiin marsi zava an koruamua kamagh an azaaghi, "Nii eem mbikim, eno othiv manmaghim mbingeeghi? Gumagh nona amuun athamiraghamiro othivhan khav inderasi, o phati?"

³ A men azaansigh ikaragha kamagh men azaaghi, "Moses othivhan manav ramuamiusua gem mbikemi?"

⁴ A mem mbikemisima mee kamagh an mbingeeghi, "Moses, gumagha thav amuun athamiraghaousua managhamuunniin noniin thamiraghamirim mbigharan ofhighaan osirigha amigha amandaghaousua, an eem mbikemi."

⁵ Mem mbikemisima Iesus kamagh mee ikara, "Gen navia aghavaghari, kamagh amuisima Moses gemiusua othivhan khav osiri.

⁶ Bar fhomira Got unuaghinan khav ko bisi bar andagha amuavira gumasi rako amisigha amui.

⁷ Kamagha amuisima, gumagh noni inaghaves ko inaghamuun thaeghiva, a nona amuun phorugh anii noniin phorughami.

⁸ Anii nerin ofhighani uvavire ikaami. Anii nom gumaghan phunini phati. Anii nerin ofhighani uvavire ikaami.

⁹ Kamagh amuisima Got bighan phuniniingu ufhuraghtima, gumagha thav ania biighem thughatis phati."

¹⁰ Gumughun mee nomthegha riphenana aven guava, Iesusin suren gumasi bighan khaviusua an̄na azaaghi.

¹¹ A mee ikaragha kamaghim mbingeeghi, “Gumagha thav nona amuun̄ thaegh igharisira amighani ikh̄iva, a ivira nona amuun̄ga asighasigha pharaghamuui norir ok̄iva nori nigha akuiro oth̄ivha amui.

¹² Amigha thav non mana thaegh igharisi gumaghani ikh̄iva, a ivira pharaghamuui norir ok̄iva nori nigha akuiro oth̄ivha amui.”

Iesus boorir akua

(Metiu 19.13-15 koma Luk 18.15-17)

¹³ Gumasi rako amisi boorir sovseghe nigha Iesusiusua zii. A nona afharimuun̄ meni iphi rarighaousua mee zima, an̄n suren gumasi men̄ga avhesava men̄ thevi.

¹⁴ Mee men̄ga avhesima, Iesus men̄ ganigha nava osemigha, a kamagh mem mbingeeghi, “Nīi thīn̄ra Got kha bisigha ativamiri uthughuna aveni ikaaousua, boorir sovsegheer kharsir mini ikh̄ii. Kamagha amuisima boorir sovseghe thaeghtima, mee namiusua zii. Men̄ th̄iva thaghri.

¹⁵ Ki guisimbaan̄ra gem mbingeeghi, boorir sovseghe mee Got kha bisigha ativamiri uthughun̄ ganan vhusvhusi. Gumagh a boorir sovsegheer min̄ nomba amevi thav a inighinighemi. A Got kha bisigha ativamiri uthughuna aven man̄n̄anga. Gumagh nomba amevagham phatighami a kha uthughuna aven man̄n̄igam phati.”

16 A kamagh mem mbikemigha, boori uvhaghuvhagha mee nia mee umusi. Ana afharini uvhaghuvhagha meni iphia arighava, inderaghivira mee ramuamiusua Gotim mbinjgeeghi.

*Bisira avirare itir gumagh
(Metiu 19.16-30 koma Luk 18.18-30)*

17 Iesus rikhavigha zuima, gumaghan mav akhghavtigha zava, Iesusim mbiniman noni itivinia riphirigha kamagh anm mbinjgeeghi, "Fhighin gumaghana aghuun, ki manmagh ramuighiva mighasigha itiri ikirana aghuun niiti?"

18 An anm mbikemisima Iesus ana ikaragha kamagh anm mbinjgeeghi, "Nii manmaghiusua gumaghana aghuun nanga arisi? Gumaghana aghuun thav iti phati. Got nombira aghuun maghi.

19 Nii Got Mosesi aniinjiro othiv ikaani, 'Nii gumagham mbisueghti ana arima thaghri, nii pharaghamuui norir okeero othivha ramua thaghri, nii igharisi gumaghan bisi okima thaghri, nii bisir khorira amuan thaghri, nii nombiigha bisi niamiusua gumasir khorira amuan thaghri, nii noni inaghaves ko inaghamuunna apheenji ikhiva aniinm mbizeva aragh.' "

20 Am mbikemisima ana na ikaragha kamaghim mbinjgeeghi, "Fhighin gumagh, ki fhomira iririvare ikhava othevir kharsigha amua za thighira ikha khari iti."

21 Mauthughura Iesus gumaghan khavin garava, anj vhusvhusigha kamagh anm

mbingeeghi, “Nii bighani uvavira nii thighira an ramuangami. Nii itir bisi tharsi bar anda amandaghiva angiro ovisi nighiva, bisi phatisi gumasi raniingiva nan gin zii. Gumughun nii Gotini unjuun bisir aghuura nianga.”

²² An anm mbikemisima gumaghan khava akaman khavi oraegha, an khom mbisiini. A ikaani, a guisimbanra bisira avirare itir gumagh. A kamaghin oraegha an nava osemisi a gu.

²³ Gumughun Iesusin arimaghaniin non suren gumasigha aruava, kamagh mem mbingeeghi, “Gumasi bisir avirire iti tharsi, mee Got kha bisigha ativamiri uthughun manamiusua inaararam mbithemara ramuighiva aven manjannga!”

²⁴ An suren gumasi anna akaar khar-siva oraegha, ringavan maghatigha amuisima, Iesus nomthegha kamagh mem mbingeeghi, “Nan boori, gumagh Got kha bisigha ativamiri uthughuna aven manamiusua inaararam mbithemara ramuighiva aven manjannga.

²⁵ Kamel thav, shaari isaeri usuun thoonna aven manamiusua inaarani ikhiva ramuighiva aven manjannga. Gumasi bisir avirire iti tharsi, mee Got kha bisigha ativamiri uthughuna aven manamiusua inaararam mbithemara ramuighiva aven manjannga!”

²⁶ A mem mbingeema, mee guisimbanra ringavan maghatigha amuava nighinisir aviragha amuava norira nori vingeeghi, “Kamagh ramuightima, thiinra mighasigha itiri ikirana aghuun khav niiti?”

27 Mauthughura Iesus men gara kamagh mem mbinjeeghi, “Gumagh nona aghavagharan a mighasigha itiri ikirana aghuun nighem phati. Gumagh Gotina aghavagharani uthughiva a mighasigha itiri ikirana aghuun nianga. Got kha bisi bar andagha amuira aghavaghar iti.”

28 A mem mbikemisima Pita kamagh anm mbinjeeghi, “Nii gan, ee non bisi bar anda thaegha, niin gin zee.”

29 An anm mbikemisima Iesus kamagh mem mbinjeeghi, “Ki guisimbaarra gem mbinjeeghi, gumagh nangi nighnigha nana akamana aghuun ukunamiusua, a no riphen, o nona aveenafhesi, o noni umbuaramisi, o noni inaghaves ko inaghamuun, o non boori, o nono ombaria thaeghiva nan gin zii.

30 Gumaghan khav thighira unuaghinan khavin Got guisimbaarra bisi a ufhuaragha iti tharsi bar andagha afhiragh an raniingami. A riphenira avirira ko aveenafhesi rako umbuaramisi ko inaghamuui koma boorira avirara, ivira ombarira avirara an raniingami. Mee Gotina akamana aghuun gin zuima gumasir marsi zava mera afharavasi. Gumughun zaamiri uthugh, Got a mighasigha itiri ikirana aghuun an an raniingami.

31 Thighira kha uthughuni ufhuaraghivira iti gumasi, mee gini ikhitima, gini iti gumasi, mee ufhuaragh ikaami.”

*Iesus nono ovhevheeni utughim mbikemisi moghin, a nomthegha anm mbinjeeghi
(Metiu 20.17-19 koma Luk 18.31-34)*

³² Mee Jerusalemin guavanangava Iesusi ufhuarasima, an̄n suren gumasi an̄n gin guava nighinisira avirara amui, men phorugha zuir gumasi rako amisi atitiini. Iesus nomthegha nom mbisevisir gumasir 12 pila nigha mem mbiñiniñn gughava, an̄m mbatuivamir bisir gun mem mbiñgeeghi.

³³ A kamagh mem mbiñgeeghi, “Gee oraa. Ee Jerusalemini unjuuni ikhivan guavanandi. Gumughun gumagha thav Gumasir Otar nighiva, Judariro othevi ikeensu gumasi rako Gotina aphuraphurava aghae rako bisir an̄ga an̄indir gumasiri ikii raniñva, mee osimndisir an̄ra aniñva ana arimaangamira akaar rikirami. Gumughun mee ana nighiv igharisir kantrin gumasira afhari ratighami.

³⁴ Mee rimbovira akaar an̄m mbikimiva, an̄gi iphariva, ana fhasaroghiv, an̄m mbisueghtima ana aremighemi. Ana aremighi, uthughun phunini ko mbikethav givaghtima a nomtheghi rikavighemi.”

*Jems ri Joni iziini ikhiv niamiusua vhusvhusi
(Metiu 20.20-28)*

³⁵ Sebedin otaraniñ, Jems ri Jon, Iesusiusua zava kamagh an̄m mbiñgeeghi, “Fhigin gumagh, an̄ga bighan mavin vhusvhusi. Niñ angagha an̄ ramuamiusua an̄ga niina azaaghi.”

³⁶ Aniñ an̄m mbikemisima, Iesus kamagh aniñna azaaghi, “Ki manmagh an̄gona akuruvaghti?”

³⁷ Aniñ ana ikaragha kamagh an̄m mbiñgeeghi, “Niñ bisigha ativasir gumaghani

ikhiva otoghiva, anga ramughti, angana thav niin guvin aghara raperaghtima thav niini ikina aghara raperaghiri.”

³⁸ Aniiñ anm mbikemisima Iesus kamaghim mbinjgeeghi, “Anjo azaansisir bighan khav, anjo anm mbiniñ ikeñsi phatigha, anjo anm iusua nana azaaghi. Anjo ti ki niangamim mbizasi ivira anjo anda niangamira aghavaghar iti? O anjo ti ki thoonn maangamiro osimndisi ivira andar thoonn maangamira aghavaghar iti?”

³⁹ Ana aniiñm mbikemisima, aniiñ ana ikara, “Anre, anga aghavaghar iti.”

Mauthughura Iesus kamagh aniiñm mbinjgeeghi, “Guisimbaanra, anjo ki niangamim mbizasi ivira anjo anda niangami. Ki thoonn maangamiro osimndisi tharsi anjo ivirama andar thoonn manñanga.

⁴⁰ Anjo nan guvin aghar ko ikina aghara raphighaousuava azaere, khara nan bighin phati. Anjanir kharsi Gotin bisira. A kha anjanir raphighemir gumasi, a mee ikeñga, memiusua anjanir kharsigha amui.”

⁴¹ Jems ri Jon bighan khavin Iesusim mbinjgeema, 10 pilan suren gumasiri igharis tharsi anm mbaraegha, bighan khav iusua Jems ri Joninga avhesi.

⁴² Mee avhesima, Iesus men diigha, mee akuvagha kamagh mem mbinjgeeghi, “Gee ikañi, igharisir kantrin ativasir tharsi gamgaan ikhe- vigha phum menja aghora menja amuima, mee bar mena apheenñi iti. Men gumasira

aphani nona akaava oraghaousua phuvira mena afhiraghivirasi.

⁴³ Othevir kharsi gen thoonni ikaan thughatis phati. Gumaghan manav gen thoonni ikhivani ikaaousua, a injaaran gumaghan mini ikhi.

⁴⁴ Gumaghan manav geni ufhuaragh manamiusua, a bar geni injaaran gumaghan khinan mini ikhi.

⁴⁵ Gumasir Otar gumasi rako amisi anmiusua injaraousua a zesi phati. Phati, a gumasi rako amisiviusua injaraousua zee. A gumasi rako amisira aviraraousua aremigh nom menju uvhuesigh mee niamiusua zee."

*Iesus gumaghan arimaghan thughaniinj
mbizesi mavia amuisi a indera
(Metiu 20.29-34 koma Luk 18.35-43)*

⁴⁶ Iesus non suren gumasir phorugha Jerikon guegha, gumasi rako amisira avirara men phorugha unjuun khava thaegha zui. Mauthughura arimaghaniinj mbizesi gumaghan mav, anji izii Bartimeus Timeusin otar, a utuavim mbikeenj apheraghav ikhava bisiviusua azaaghi.

⁴⁷ Ano orasima Nasaretin gumagh Iesus ivira za zuima a dii kamaghiusue, "Iesus Devitin avav, nani ukuarukuvi!"

⁴⁸ Am mbinjeema gumasi rako amisira avirara diman an thivagha inimire ikhaaousuava anm mbinjeeghi. Mem mbinjeema am mbighiravira diivire iti, "Devitin avav nani ukuarukuvi!"

⁴⁹ Mauthughura Iesusi utugha kamaghim mbinjeeghi, "An diigha." A mem mbikemisima mee arimaghaniinj mbizesi

gumaghan diigha kamaghiusue, “Nii gamgaenġiri. Iesus niin deeghi. Nii rikavigh maanġi.”

⁵⁰ An aġm mbikemisima a nona akirani iti shaari usuegha ana ukunigha uzuamira rikhavigha Iesusiusua zee.

⁵¹ Mauthughura Iesus aġna azaaghi, “Ki niimiusua theeghina ramuamiusua nii vhusvhusi?” An aġna azarasima arimaghaniin mbizesi gumagh kamaghim mbinġeeghi, “Fhighin gumagh, ki ganamiusua vhusvhusi.”

⁵² An aġm mbikemisima Iesus kamagh aġm mbinġeeghi, “Nii maanġi. Nii nighnighana aghavaghar Gotini itima, a niingha amuisi nii nom indera.” A maghira nomthegeha gari. Mauthughura a Iesusin ġini utuavin zui.

Iesusa aremigha nomthegeha rikavi

11

(Sapta 11--16)

*Iesus ativasir gumaghan min Jerusalem in zui
(Metiu 21.1-11 ko Luk 19.28-40 koma Jon 12.12-19)*

¹ Iesus non suren gumasir phorugha Jerusalemina aghan gua Betfage ko Betanina aghan Olivino oraghin oto. Mauthughura Iesus non suren gumaghan phunini amangha,

² kamagh aniinm mbinġeeghi, “Anġo munagh itiri unjuun maanġi, gantima donkini ikaman mav, mee ana ikhesima, a iti. Gumagha thavi uthugh

thavın anğa apheraghava aruısi phati. Anđo ani umbueeñ afhırıghıva anđı usuiragh khagh zii.

³ Thav anđona azaanđm mbikimanga, ‘Anđo thoghousua donkia fhiri?’ Anđo kamagh anđm mbikim, ‘Ikhiv inaar anđı itı. Anđı inaar ğıvaghti a nomtheĝha ana amandaghti a zaami.’”

⁴ Ana anıiđm mbikemisima anıiđ gua garima, donki mee rıphenani itimana akamaniıđna akırani utuavın ana ike. Mauthughura anıiđ ana fhirima,

⁵ gumasir marsi utuivıghav ikha anıiđna azaaghi, “Anđo thoghousua donkını umbueeñ afhiri?”

⁶ Mem mbikemisima İesus anıiđm mbikemisi moghın anıiđm mena akam ikara. Mauthughura gumasi anıiđm mbinaminaan athisima anıiđ zui.

⁷ Anıiđ donki nıgha İesusıusua zeghava nona akırani itir shaaraniđ usueĝha donkını iphia athi. Anıiđ shaaraniđ athisima İesus anđı iphi aphera.

⁸ Mauthughura gumasi rako amisira avırara nona akırani itir shaari usuava utuavına anda uĝhuari. Marsi uruađn therisosia rıghorıgha anda arısi.

⁹ Ufhuaragha zui tharsi rako ĝın zui tharsi mee diıva arava kamaghım mbinĝeeghi, “Inıgh-inıghiri! Got inderaghavıra İesusia amuıgha ĝıva. Ee Gotini izii ufhiri! Gumaghan khav İkhivani izii koma aghavagharan zii.

¹⁰ Ena avav Devit fhomıra enĝa atıvasi moghın gumaghan khav thighira mamaghıra enĝa atıvami. Kamagha amıisi Got inderaghıvıra İesusi

ramutima a enğa ativami. Inighinighiri! Gotini unjuuni iti bisi bar anņi izii ufhiri!”

¹¹ Gumughun Iesus Jerusalemına aven guğa guava Goti riphenam mbiroghin gu. A guğa bisir garava andara asaviusuisi. Amin phiraousuava amuima a non suren gumasir phorugha mee Betanin zee.

*Iesus baan fhighin khan thiva
(Metiu 21.18-19)*

¹² Amiritusi Iesus non suren gumasir phorugha nomtheğa Betania thaegha zuima, Iesusim mbiti anņa azi.

¹³ A isaghun garima fhighin khan mavina afharire iti. Mauthughura ana aghangera maanņi ikhaanņiusua ana aghae iti, o phati. Khara fhisir thee beeri uthugh phati. Kamagha amuisima a guava ovigha thavin ganisi phati, afharir kinira anņi iti.

¹⁴ Mauthughura a kamagh khan khavim mbinģeeghi, “Thav gin niino ovigha thava rameghem thughathigham phatighami.” An anņm mbikemisi, anņn suren gumasi oraghi.

*Iesus Goti riphenam mbiroghin guava gumasi asisi amandi tharsi mem mbatosi
(Metiu 21.12-17 ko Luk 19.45-48 koma Jon 2.13-22)*

¹⁵ Iesus non suren gumasir phorugha Jerusalemın otuivigha, Iesus Goti riphenam mbiroghin gua gumasi asisi amangga andaghi uvhuesi tharsi mem mbatosi. Ana anģiro ovisi nori ikarvasi gumasir akosi rako ukurasir

buniinmba amandi tharsir ambirembii, anda ufhava anda asiaghiusue.

16 A bisi amanga anda niagha arui tharsi vjingiva Goti riphenam mbiroghina aven zii manan men thiva.

17 A men surea amuava kamagh mem mbingeeghi, "Mbingimingir kharsi Gotim mbigharano osirani iti, o phati? 'Na riphenani injaaram mbiniin kamaghin, kha unuaghinan gumasi rako amisi bar mee Gotin phorugham mbinger riphen.' Gee okeer gumasi mondira ananan min anga amui."

18 Gumasi rako amisira avirara bar anj surem mbingimingiva oraegha ringavan maghatigha amui. Kamagha amuisima Gotina aphuraphurava aghae rako bisir anga anindir gumasiri ikii rako Judariro othevi ikeensi gumasi Iesusin atitiinga, mee anm mbisueghtima ana aremighaousua maghira utuaviviusua urui.

19 Aro gevima Iesus non suren gumasir phorugha mee Jerusalemuni unjuuni ikhiva thaegha akiran zii.

Fhigin khim mbisiini
(Metiu 21.20-22)

20 Amiritusi rimaanra Iesus non suren gumasir phorugha gua garima fhigin khan bii iviram mbisiini.

21 Pita nindigha Iesusim mbingeeghi, "Fhigin gumagh, nii gan, nii booghuma asighasighaousuam mbikemisi fhigin ki, am mbisiini!"

²² Iesus anm mbingingim ikaragha kamagh mem mbingeeghi, “Nighnighana aghavaghar Gotini ikhi.

²³ Ki guisimbaanra gem mbingeeghi. Thiinra nighnighana aghavaghar Gotini ikhiva oragh thavim mbikim, ‘Got nii kha oraghini usuiragh ana ufhegh onarao ukuni.’ Nii khamaghim mbikemightima, a nombi ufhegh onarao ukunighemi. A non navana aven nighnighan phunini phatighiva, nighnighana aghavaghar ikiim mbikimtima kha bighaan otoghomi.

²⁴ Kamagha amuisima ki gem mbingeeghi, gee bigha thav niamiusua nighnighana aghavaghar ikiim mbikimanga, ‘Got anan eera aniingemi.’ Kamaghin Got anan geera aniingemi.

²⁵⁻²⁶ Nii uthughiva Gotin phorughum mbikimiva osimndigh thiinni iti, nii anno othivhan maghatigh gina amandaghti, kamaghin niini Inaghavesini Ikhiv, noni ujuuni iti thav, a ivira niino othevir maghatisi gina amaanga.” *

Judarir gumasira aphani Iesusina azaaghi nii manmaghira iziin khav nii

(Metiu 21.23-27 ko Luk 20.1-8)

²⁷ Iesus non suren gumasir phorugha nomthegha gua Jerusalem otogha Iesus Gotin riphenam mbiroghina avena aruima, Gotina

* **11:25-26** Ikeensi gumasir marsi kamagh nighinisi, mbingingimano othivhan mav ivira vesin khavina aveni iti. Mbingingiman khavira khara, “Gee gumasi rako amisiri igharis tharsi, gee amuisiro othevir maghatisi gina amaanga agharkuvightima geni Inaghaves, kha noni ujuuni itir Inaghaves, a ivira geno othevir maghatisi gina amandagham phatighami.”

aphuraphurava aghae rako bisir anġa anindir gumasiri ikii rako Judariro othevi ikeensu gumasi rako Judarir gumasira aphanu anmuisua zee.

²⁸ Mee zegha Iesusina azaaghi, “Nii manmaghira kha izii nigha kha bisigha amui? Thiinra kha iziini ikhivan niinga aniihi?”

²⁹ Mem mbikemisima Iesus mee ikara, “Ki ivira azaansighan mavin gee ramuamuisua gee inderaghivira nani ingarigha ramuightima, ki gem mbikimanga, thiinra kha bisi ramuangamiri iziini ikhivan nanga aniihi.

³⁰ Jonini uruur khara Gotin bighin, o gumaghan bighin? Nam mbikim!”

³¹ Mauthughura mee norira nori vikemigha kamaghiusue, “Ee kamaghim mbikimanga, ‘Anni uruur Gotin zee.’ A nomthegh kamagh eem mbikimanga, ‘Gee manmagha amuigha nighnighana aghavaghar Jon ramuani iphirphiri?’

³² Eem mbikimanga, ‘Anni uruur gumaghan zee.’ ” Kha akam ivira thughatis phati. Gumasi rako amisira avirara mee ikaani, Jon a guisimbanra Gotina akam nigha zesi gumagh, kamagha amuisi mee kha gumasi rako amisir atitiinji.

³³ Mauthughura mee Iesusina azaansigh ikaragha kamaghim mbinġeeghi, “Ee ikeens phati.” Mem mbikemisima Iesus kamagh mem mbinġeeghi, “Kamaghira, ki noni izii nisiri utuavin, gun gem mbikemighem phatighami.”

*Uainir mighin garir gumasir maghatisir aghu-
namana akam*

(Metiu 21.33-46 koma Luk 20.9-19)

¹ Iesus aghunambara akaar Judarir gumasira aphanim mbingeeghi, "Gumaghan mav uainir mighi opharigha an rivina aghui. Uainiro ovisi mighimighamiri ithaangi ukuighava maghira a riphenanga amui. Mee kha riphenani iphini ikhiva uainir mighin ganangami. Gumughun a uainir migh nigha uainir mighin ganangamir gumasir marsi mennga aninji. Mee gini uainiro ovisiri imboori tharsi nomthegha ana ikaraghami. Gumughun a igharagha is-aghun gu.

² Gumughuni uainiro ovisi ukuaramiri uthugho otosi, uainir mighin guav injaaran gumaghan mava amandasi a uainiro ovisi tharsi niamiusua uainir mighin garir gumasiviusua gu.

³ Ana otosima, mee anji usuiragha, anm mbisuegha ana amandasi ana afharira nomthee.

⁴ Gumughun guav injaaran gumaghan igharisi thav amandasima, mee anm mbisogha anna aphana biigha amemerano othevir anga amui.

⁵ Gumughun guav nomthegham mbikethava amandasima, mee anm mbisuesi ana aremi. Gumughun a ivira igharis marsi samira amaaji. Marsi mee phura mem mbisoghi, marsi mee mem mbisuesi mee ariighire.

⁶ Gumughun bar ambuunav iti ana ana amaanmiusua, anno otaran khavira, a bar an vhusvhusi. A bar men gin ana amangava kam-aghim mbingi kamaghiusue, 'Mee nano otaran khavina akamam mbaraeghiva inderagh an ra-

muangami.’ Mauthughura ana na amandasi a gu.

⁷ Thighira uainir mighin garir gumasi kamagh nori vingeeghi, ‘Kha otar kha uainir mighin guava amendaghti. Aria, ee nori nigh anm mbisueghtima ana aremighemi. Gumughuni uainir mighin khav, ee norira an n gueen ameenjemi.’

⁸ Mauthughura mee anji usuiragha anm mbisuesima ana aremisi, mee ana nigha uainir mighin akiran ana ukuni.

⁹ Thighira uainir mighin guav manmagh ramuti? A ziva uainir mighin garir gumasir kharsi visueghtima mee arimighireghemi. Gumughun a uainir migh nighiva igharis tharsi raniingga.

¹⁰⁻¹¹ Gee Gotim mbigharano osiran khavin ganis, o phati?

‘Akiman khav riphenanga amuir gumasi anji iphirphirigha anm mbatuesima,
Ikhiv thighira anga amuisi a rephenangi isaghuphusir akimangi ighesima
gumasi rako amisi an ganigha ringavan maghatigha amui.’ ”

¹² Thighira mee ikaaji an na aghunamana akaman menja asi, kamagha amuisima mee anji usuiragh ana niamiusua utuaviviusua urui. Mee anji usuighaousua gumasi rako amisir atitiingga, ana thaegha gue.

Gumasi rako amisi anjiro ovisir Sisar aniingami, o phatighami?

(Metiu 22.15-22 koma Luk 20.20-26)

13 Gumughun Judarir gumasira aphanî ko Farisiin marsi koma Herotin gina arui tharsi mee, mee amandasi, mee Iesusiusua zee. Mee Iesusim mbingingiro othivha thavin ganigh anî usuiraghousua.

14 Mee zegha kamaghim mbingeeghi, "Fhighin gumagh, ee ikaanî, nî mighasigha guisimbaanram mbingiva, mbingingiri uvarsira gumasi rako amisi bar menğa anîndi. Gumasi izîri iti tharsi o gumasir khini, nî akamanî uvavira mem mbingiva guisimbaanra Gotin othevir men surea amui. Ee Gotin othivhan gin maniva, gavmanina anğiro ovisi Sisar raniingami o phatighami? Ee uvhuesami, o uvhuesam phatighami?"

15 Mem mbikemisima Iesus men khori ikeenga kamagh mena azaaghi, "Gee thoghousua nan khorigha amui? Akimano ovigha thav namiusua ana nigh ziiti ki anğ gananga."

16 Am mbingeema mee akimano ovigh anmîusua ana nigha zesi a mena azaaghi, "Thiîni injeendaghani izîi khara?" A mem mbikemisima mee kamagh Iesus ikara, "Sisarini injeendagh."

17 Mem mbikemisima Iesus kamagh mem mbingeeghi, "Kamaghira, gee Sisin bisi Sisar raniinva, Gotin bisi nigh, Got raniin." Mauthughura mee anî ingarighan ringavan maghatigha amui.

*Sadiusiîni marsi, gumagha aremigh nom rikavamir bisi vagha Iesusina azaaghi
(Metiu 22.23-33 koma Luk 20.27-40)*

18-19 Sadiusiinn, mee kamagh nighinisi, gumagha aremigh nomtheghi rikavighem thughatis phati. Kamagha amuigha mee Iesusina azaansighaousua zee. Mee zegha kamaghim mbinjeeghi, “Fhighin gumagh, Moses fhomira kamagh emiusua osiri, gumagha aremigh nona amuun thaeghiva boori phatightima ana afhoghumasir mavin amuunno osiinni ikhiva anmiusua boorir nianga.

20-21 Uthughun mavin 7 pila afhoghumasi iti. Avenafhes amuunni ikha boorir phatigha aremisima, nom undooghan anji inesi thav anji ikha boori phatighava ivira aremi. Gumughum mbikethav kamaghirama amui.

22 Gumughun 7 pila afhoghumasir kharsi bar mee anji ikha, boori tharsi nisi phatigha ariighire. Gumughun ambuun, amigh ivira aremi.

23 Afhoghumasir 7 pila anji ike. Kamagha amuisi a nomtheghi rikavamiri uthugh, a thiinna amuunra?”

24 Mem mbikemisima Iesus kamagh mee ikara, “Gee Gotim mbigharano osir ko Gotin gamgaan ikeensi phati, kamagh gee iphasa nighnigham mbinjeeghi.

25 Arighireghemi tharsi rikavamiri uthughun, gumasi amuiri ikaami thughatis phati, ivira mee amisi nigh gumasi rariighem phatighami. Mee enselir min Gotini unjuuni ikaami.

26 Arighires tharsi nomtheghi rikavamir bisiviusua, gee Mosesim mbigharana aven sisi khan niaghagh gee anj ganisi, o phati? Niaghaghan khavin, Got kamagh Mosesim

mbikemi, 'Ki Abraham, ri Aisak koma Jekovin Got.'

²⁷ Got gumasir niro ofhisir arighiri tharsi, men Got phati, a gumasiri unduura anamire iti tharsir Got. Gee bari iphasa nighnigham mbingeeghi."

*Gotini ufhuaragha zuiro othiv
(Metiu 22.34-40 koma Luk 10.25-28)*

²⁸ Iesus Sadiusiinn phorugha mee nori vatosima Judariro othevi ikeensi gumaghan mav za mem mbarasi. Ano orasima Iesus ikarvaghana aghuunn menja aniinsima, a Iesusina azaaghi, "Gotin othivhan manavira marsi bar andagha afhiragha, ufhuaragha zui?"

²⁹ Am mbingeema Iesus ana ikara, "Othivhan bari ikhivara khara, 'Israeliing, gee oragh. Eni Ikhiv a en Got. A nombira eni Ikhiv.

³⁰ Gen non navira averi rako noni unduu rako non nighinisi rako gamgaanj ivira anj vhusvhusighiri.'

³¹ Angi inesiro othiv khara, 'Nii nombin vhusvhuisi moghira gumasi rako amisi bar men vhusvhusighiri.' Nom othivha thav kaniinn mini ikhevigha aniingga afhirasi phati."

³² Mauthughura kha gumagh kamagh Iesus ikara, "Nii guisimbaanram mbingi kamaghiusue, Got nombira, thav nom iti phati.

³³ Ee non navira averi rako, non nighinisi rako non gamgaanji Ikhivan vhusvhusighiri. Mamaghira nii nombin vhusvhuisi moghira gumasi rako amisi bar men vhusvhusighiri. Ee kha othivhaniinj gin maanjitima, mee phurama aphuraphurir aghaer bisi rako arivan bar sisira

aghaer bisira aphuraphuri tharsi andagha afhiraghami.”

³⁴ Iesus orasima a inderaghaviram mbikemisi, Iesus anm mbingeeghi, “Got kha bisigha ativamiri uthugh nii anni isaghuni iti phati.” Mauthughura thighira mee nomthegha azaansigha thavin nomthegh Iesus ramuan atitiinj.

Iesus, Got nom ee niamiusua mbisevisir gumaghaousua gumasi rako amisira azaaghi
(Metiu 22.41-46 ko Metiu 23.1-36 ko Luk 11.37-54 koma Luk 20.41-47)

³⁵ Iesus Goti riphenam mbiroghin gumasi rako amisir surea amuava, mena azaaghi, “Manmagha amuisi Judariro othevi ikeenji gumasi kamaghim mbingi kamaghiusue, Kraisi, Got nom ee niamiusua mbisevisir gumagh, a Devitin avav?”

³⁶ Devit nombi, Gotini Utum nighnighan khavin anga aninji, a kamaghim mbikemi, ‘Got kamagh nani Ikhivam mbingi kamaghiusue, “Nii khagh nana agharan guvin rapheragh, mamaghira ikhitima ki niina aphanir gumasi rikambuuntima mee niina apheenji ikaami.” ’

³⁷ Devit nombi ‘Ikhivan’ gumaghan khavi athi. Manmagh amuigha gumaghan khav nomthegha Devitin avav?” Am mbingeema gumasi rako amisira avirara anm mbingimingiv oraegha bari iphui.

³⁸ Iesus gumasi rako amisir surea amua kamaghim mbingeeghi, “Gee Judariro othevi ikeenji gumasiviusua ganighiri. Mee shaariri uruaria sharigh rarutima gumasi rako amisi mee bisi

amanga andaghi uvhuesira ananani iziriri ikiir mee raniinmuisua, mee bar vhusvhusi.

³⁹ Mee Gotin phorugham mbingger riphenir ambirambir aghuura niva, ishari ikiiri uthugh mee ananiri iziri iti tharsi niamuisua bar vhusvhusi.

⁴⁰ Mee pha arighiresi amisir ozirir khoru amua men riphenir bisi nia, kamaghusue ee indera. Mee, gumasi meni iziri ufhaaousua, kamagha amigha mee Gotin phorugham mbinggerim mbingimngiri uruarigha amui. Kamagha amuir gumasi, meni uvhuesan maghatigh gumasi othevir maghatisigha amui tharsiri uvhues bar anga afhiraghami.”

Mana aremisira amigh akimano ovighan phunanginira ithaanga athi

(Luk 21.1-4)

⁴¹ Iesus guava angoro ovisi arisi ithaanga aghan apheraghav ikhava gumasi rako amisir avirar garima mee nona angoro ovisi nigha Gotin riphenana angoro ovisi arisi ithaanga anda arisi. Gumasi rako amisi angoro ovisira avirare iti tharsi angoro ovisira avirara arisi.

⁴² Mauthughura mana aremisira amighano osiin bisi phatigha zava akimano ovighan phunangini athi, anin akimano ovighani urughani uvavira an min gu.

⁴³ Mauthughura Iesus non suren gumasir diigha kamaghim mbinggeeghi, “Ki guisimbanra gem mbinggeeghi mana aremisiro osiina amighan khav bisi phatigha akimano ovighan sovan phunangini angoro ovisi

arisiri ithaanga athisi aṅna akimano ovighan phunangini gumasiri igharis tharsi arisira angigha afhira.

⁴⁴ Mee nona aṅgiro ovisir aviraghi ithiripiingha aṅgiro ovisiri uvhovhera aniṅji. Amighan khav nona ambirambiin maghatighan mira akimano ovighan ambuunani athigha a nomthegha aghaeghi uvhuesamira aṅgiro ovisi phati.”

13

Jesus kamaghiusue, Goti riphen gin maghati-ighemi

(Metiu 24.1-2 koma Luk 21.5-6)

¹ Iesus Goti riphenam mbirogha thaegha akiran zima, aṅn suren gumaghan mav am mbiṅgeeghi, “Fhighin gumagh! Nii gan, khara aṅgir bar ikiira, mee andar Goti riphenani injarisima, aṅn gangan bar indera! Goti riphen ko riphenir sovseghe aṅm mbiroghini iti tharsi, anda bar riphenir riṅgirir aghuura!”

² Mem mbikemisima Iesus kamagha ana ikara, “Nii ripheniri ikiir kharsir gari? Anda bar maghatiighemi. Gumughuna aṅgir kharsi, gumasi bar anda uphueghtima anda barbar daaṅgi ireghemi. Thav thavini iphini ikeghem phatighami.”

Jesus kamaghiusue, osimndisira avirara gino otuivami

(Metiu 24.3-14 koma Luk 21.7-19)

³ Iesus Olivino oraghini iphin, Goti riphen khoman aṅna aghuagha apheraghav itima, Pita

ri Jems koma Jon ri Andru mee norire ikhava anja azaaghi,

⁴ “Eem mbikimiva, ripheni maghatiighemir bighaan, a mana uthughun otuivti? Othivhan manavi ufhuaragh otuivtima, ee ikeengim mbikimanga bisir kharsi otuivamiri uthugha aghangera zee?”

⁵ Mem mbikemisima Iesus kamagh mem mbinjeeghi, “Gee noriviusua inderaghivira gan, gumagha thav zii gen khorir amuan thaghri.

⁶ Gumasira avirara nani iziin zii, mbikimanga, ‘Ki Kraisi, Got nom ee niamiusua mbisevisir gumagh.’ Kha gumagh gumasi rako amisir avirar khori ramuanga.

⁷ Uthughun khavin gee aghangera itir asaghu- uri ikiir niniiva oraghiva, isaghuni iti mbizorsiri ikiira akaava oraghami. Kha uthughun gee ringavan maghatigha ramuan thaghiri. Othevir kharsi otuivightima, unuaghinan khav givamiri uthugh thighar zaami.

⁸ Kantrin mavini iti tharsi rikavigh igharisir kantriri iti tharsir phorughum mbisoghomi. Kha uthughun ativasir gumaghan mavina andarsi rikavigh igharisir ativasi gumaghana andarsir phorughum mbisoghomi. Anjanir tharsi aghae bar phatightima, gumasi rako amisi vitiire ikaami. Mbikimikisi ivira igharisi unjuimbar otuivami. Kha bisi, amighi ufhuaraghivira otaasa mbizagh nighiva gumughun ano otara otaami, osimndisir kharsi ivira kamaghira otuiv- ami osimndisir kharsi ufhuaraghivira otuivtima unuaghinan khav givamiri uthugh thighari.

9 Gee inderaghivira norira noriviusua gan. Gen gumasi tharsi gee nighi unuimbar garir gumasir raniinga. Mee Gotin phorugham mbinger riphenir gem mbisoghomi. Gee nani iziini utuivisi tharsi, gee gavmanin gumasiri ikiir arimasi rifhaanini uthughiva, ki amuisi bisi, gee andar gun mem mbikemighemi.

10 Gumasi tharsi ufhuaragh manj Gotina aka mana aghuun gun gumasi rako amisi kha unuimbari itir akaa uvhaghuvhagha andav vikimiri. Gumughun kha unuaghin givami.

11 Gumasi tharsi mana uthughun geni usuiragh gee nigh osimndisiva oragha anda rikirir riphenan manjitima, gee ufhuaraghim mbikimiusua nighinisir aviri nia thaghri. Nii mbikimiusua, Got nighinisir nira anijnti nii mbize vikimanga. Khara nii nombiram mbinjege phati, Gotini Utum mbinjegeghi.

12 Afhoghumasi norira nori nigh aphanir gumasir anijntima mee mem mbisoghti mee arimighireghemi. Inasi non boori ivira kamaghira andara amuanga. Boori noni inasi rako inaghamuura akaava athoghiva arimangamiro othevir mee ramuighti, mee arimighireghemi.

13 Uthughun khavin gumasi rako amisi bar nani iziinusua navan maghatighan geni ikaami. Thiinra uthugha aghavagharigh maanj ana aremighemiri uthugho otoghtima Got ikirana aghuun gin anra anijngami.”

Iesus kamaghiusue, bighan bar maghatighara otoghomi

(Metiu 24.15-28 koma Luk 21.20-24)

14 Iesusim mbingi guava kamaghim mbingeeghi, "Gee gantima Got bari iphirphirisi bigh aŋ riphenani ikaami. Khara a ikhaam phatighamira aŋan. A ikithi, Got no riphena thaeghemi. Nii thiinra osiiran khavin ganigh, inderaghavira nighinighiva ana ikeengiri. Got bari iphirphirisi bighan khav, uthughun khavin otoghtima Judian distrighina aveni iti tharsi mee uzuamira ari orasira anaengiri.

15 Thav riphenan akirani ikeghiva nomthegha aven maanji non bigha thav nia thaghiri.

16 Thav mighini ikhivani ikeghiva nomthegh riphenan maanji nona akiran sarir shaar nia thaghiri.

17 Naviri itira amisi rako boori otee aphiiri inaghamuui mevisi. Uthusir kharsi zaami, mee bar maghatiighemi!

18-19 Uthusir kharsi zaami, anda osimndisiri ikiiri uthusi. Got unuaghin ko ovheea amuisi uthughun za thighira, kamagha amuisiro osimndigha thav kamagha otosi phati. Uthugh thav nomthegh kamagh otoghom phatighami. Kamagha amuisi gee Gotin phorughum mbikimtima osimndisiri ikiir kharsi amoghini uthughun otuiva thaghiri.

20 Ikhiv nombiusua mbisevisi gumasi rako amisi norighi nighnigha, uthughun maghatighan khavini uthusir marsia righorisi anda muanj othevi. A ti andar righoris phatisi gumasi rako amisi bar arighireghaghi.

21 Zaamiri uthugh, thav gem mbikimanga, 'Gee gan, Kraisira khara! A Got nom ee niamiusua mbisevisir gumaghara,' o, 'Gee gan,

Kraisira muna!' Ana akamam mbaraghan thaghri!

²² Gumasi tharsi ziva gen khori ramu kamaghiusuami, 'Kira, Got gumasi rako amisi nom mee niamiusua mbisevisi gumagh,' o 'Ki Gotina akam nigha ziir gumaghan mav.' Maghira mee non gamgaan khivamir bisiri ikii rako ringavan maghatigha amuiro othevi ramuti anda otuivami. Mee kamagh vhusvhusi, mee gumasi rako amisir khorira amutima mee onanighemi. Mee aghavaghar ikhiva, ivira Got nombiusua mbisevisi gumasi rako amisi, mee ivira men khori ramuamiusua.

²³ Ki gino otuivamir bisi bar andar gun gem mbikemi. Kamagha amuisi gee inderaghavira noriviusua ganiri."

*Iesus kamaghiusue, Gumasir Otar gin zaami
(Metiu 24.29-31 koma Luk 21.25-28)*

²⁴ Iesusim mbingi guava kamaghim mbingeeghi, "Osimndisiri ikiir kharsiri uthugh givaghtima, gin zaamiri uthughun bisir kharsi otuivami. Aro ginginighemi. Ikini isiragham phatighami.

²⁵ Mbikovi ovheen asighireghemi. Ovheeni itir bisira aghavaghari, usuaghusuaghava, nona anania thamiraeghemi.

²⁶ Uthughun khavin gumasi ganti Gumasir Otar aghavagharani ikhiv ko anarani ikhiva samira guan thoon zaami.

²⁷ A non enseli amandaghti mee maanji ovhee ko unuaghinano othevi bar andar manjiva

Gotim mbisevisi gumasi rako amisi mee akuvigh anmiusua zaami.”

Jesus kamaghiusue, gee fhighin khan gan ikeengemi

(Metiu 24.32-35 koma Luk 21.29-33)

²⁸ Iesusim mbingi guava kamaghim mbingeeghi, “Fhighin khan anguu nomtheghim mbikovtima gee ikeengim mbikimanga, amoghini uthugha aghangera zee. Gee fhighin khan gan nighinisi nanga.

²⁹ Kamaghira gee bisir kharsir ganti anda otuivtima gee ikeengim mbikimanga, Gumasir Otari a nom zaamiri uthugha aghangera zee. A itimana akamaniinini uthughav iti.

³⁰ Ki guisimbaanra gem mbingeeghi. Uthughun khavini iti gumasi rako amisi kharsi ikhivire ikithima bisir kharsi bar otuivami.

³¹ Ovheen ko unuaghin givaghani, nam mbingimingi givagham phatighani.”

Jesus kamaghiusue, a nom zaamiri uthugh thav a ikeensi phati

(Metiu 24.36-44)

³² Iesusim mbingi guava kamaghim mbingeeghi, “Thav ikeensi phati, uthughun manavira ki gem mbinger bisir kharsi otuivti. Gotini unuuni itir enseli ko Gotin Otari ivira ikeensi phati. Afhesini Ikhiv nombire ikaani.

³³ Gee uthughun khavin zaamiri uthughi ikeensi phati. Gee inderaghivira noriviusua gani ikhii.

³⁴ Kha uthughun gumaghan mav igharagha zui moghin. A no riphena thaegha guava

no riphen nigha noni injaarir gumasir afhari arighava riphenani injaaria righorava menğa anindi. A itimana akamaniinini itir gumagham mbingi kamaghiusue, nii inderaghivira gan.

³⁵ Riphenan guav zaamiri uthugh gee ana ikeensi phati, a bonğaara zaami, o rimaanarighan zaami, o utuari afhuti a zaami, o amini itiraghti a zaami, o? Kamagha amuisima gee inderaghivira ganiri.

³⁶ Phatightima, a uzuamira otogh gen ganti, gee rakuvire ikaami.

³⁷ Ki gem mbinger bisir kharsi, ki gumasi rako amisi bar mem mbingeeghi, 'Gee inderaghivira ganiri!' "

14

Gumasir arura aphanı Iesusim mbisueghti ana aremighaousua mbingimingia rikiri

(Metiu 26.1-5 ko Luk 22.1-2 koma Jon 11.45-53)

¹ Iis phatisiri uvisiri uthuuri ishamanga amuiri uthugh koma Israeli Got nomthegha mee nisiri uthughuni ikhivani uthughun phuninira ikhavire iti. Kha uthughun Gotina aphuraphurava aghae rako bisir anğa anindir gumasiri ikii, koma Judariro othevi ikeensi gumasi, momoono othivha thavin Iesusini usuiragh anm mbisueghti ana aremighaousua utuaviviusua urui.

² Mee kamagh nori vingeeghi, "Ee ishamani uthughun anıi usuighem thughatis phati. Ee ramuightima ishamani iti gumasi rako amisi mbizorughani ikhiva thavin ee ramuighemi."

*Amighan mavim mbughuna aghuun zuirim
mburueŋ Iesusina aphanan giŋe
(Metiu 26.6-13 koma Jon 12.1-8)*

³ Iesus Betanini unjuuni ikhava mamburan arimarim itir gumagh Saimon riphenana aven aghaana akoghina aphava apheraghav iti. Ana aphava apheraghav itima, amighan mavim mbughuna aghuun zuirim mburueŋn mav nigha zii. Ana akimana aghuunna amuisi mbisivani iti. Anŋni uvhues bari iphini iti. Amighan khavim mburueŋn khav nigha Iesusiusua zegha mburueŋm mbisiva bigha mburueŋn Iesusina aphanan giŋe.

⁴ Ma uthughuni iti tharsi mee navi siava kamagh nori viŋgivre iti, “Theghousua kha mburueŋn mbughuna aghuun zui thav amighan khavi iphasava anŋa amui?”

⁵ An ana amandaghiva anŋiro ovisira avirara nighaghi. Anŋni uvhues ombarani uvavirani uvhues anŋa afhira. Gumughun ana anŋiro ovisi phatisi tharsira akuruvaghami.” Mauthughura mee phuvira anŋa avhesi.

⁶ Mem mbikemisima Iesus kamaghim mbiŋgeeghi, “Ana thaghi. Gee thoghousua osimndighan anŋa anindi? Ana thaghi! Ano othivhana aghuun nanga amui.

⁷ Bisi phatisi tharsi mighasigh gen phorugh ikaami. Gee mana uthughun mena akuruvaghan nighnigh ziiti gee mena akuruvaghami. Ki mighasigh gen phorugh ikhan thughatis phati.

⁸ Ki aremightima ana ramuangamir bighaan, ana anaanŋa amui. A ufhuaraghim mbughuna

aghuuᅇ zuirim mburueᅇ nam mbikariᅇh aghevighitima mee gin na umoghi rariᅇhami.

⁹ Ki guisimbaanra gem mbinᅇgeeghi, mee unuaghinan khavina ananan manavin Gotina akamana aghuuᅇ ukuniva amighan khava amuisiro othiv ivira anm mbikimiva anaanᅇi nighinighivire ikaami.”

Judas Iskariot Iesus nigh Gotina aphuraphurava aghae rako bisir anᅇa anindir gumasiri ikiira afharimuura arighaousua akamana aghavaghara rikiri

(Metiu 26.14-16 koma Luk 22.3-6)

¹⁰ Judas Iskariot a Iesusim mbisevisir gumasir 12 pilan gumaghan mav. A Iesus nighiva Gotina aphuraphurava aghae rako bisir anᅇa anindir gumasiri ikiira afharimuura arighaousua memiusua gu.

¹¹ Mauthughura mee anᅇa akaman khavi oraegha bar phuvure inighinighava, anᅇiro ovisi anra niimiusua akamana aghavaghara rikiri. Thighira anᅇi usuiragh mera aninᅇmiusua utu-aviviusua urui.

Iesus non suren gumasir phorughava aphi

(Metiu 26.17-25 ko Luk 22.7-14 ko Luk 22.21-23 koma Jon 13.21-30)

¹² Iis phatisiri uvisiri uthuuri ishamanᅇa amuiri uthusiri ufhuaragha zuiᅇ uthugho otosima Judarir gumasi mee othivhan khav iti. Mee ufhuaragha Israelir Got nomthegha mee nisiri uthugh anᅇi nighinighiva sivsivini ikamam mbisuegh ana nighiv Got raniᅇva anm mbinambaghiv ana nigh maaniva anara

amaŋga. Thighira Iesusin suren gumasi aŋna azaaghi, “Ee aŋanan manavin maanġ, nii Israeli Got nomtheġha mee nisiri uthughuni ishama ramuamiusua, ee bisia rikir ti?”

¹³ Mem mbikemisima a non suren gumaghan phunini amaŋga kamagha aniiŋm mbiŋgeeghi, “Aŋgo unjuuni ikhivan maŋitima gumagha thavi rimim mbinanġi uphugh zii aŋgom mbatoghti, aŋgo aŋn ġin maanġi.

¹⁴ Ana aven zui riphen aŋgo aŋn maŋiva aŋn guavim mbikimiri, ‘Fhighin gumagh kamagha azaaghi, “Ki non suren gumasir phorugh Israeli Got nomtheġha mee nisiri uthughi nighnigh ishamaŋga amuira aŋan mana?” ’

¹⁵ Aŋgo aŋm mbikimti a iphin riphenana aveni itira aŋananani ikhivana aŋgon khivaghami. Aŋanan khav bisi bar ikha emiusuavira gari. Uthughun khavin gee aŋanan khav ee noriviusua bisi bar andar rikirighiri.”

¹⁶ Mauthughura aŋn suren gumaghaniin mee thaegha unjuuni ikhivana aven guava garima bisi am mbikemisi moghira gusi, aniiŋ maghira Israeli Got nomtheġha mee nisiri uthughusua aghae rako bisia rikiri.

¹⁷ Ma unguarthughura Iesus nom mbisevisir gumasir 12 pilar phorugha guava otuivi.

¹⁸ Mee aŋna aghan akoghin apiighav ikha aphava, Iesus kamaghim mbiŋgeeghi, “Ki guisimbaanra gem mbiŋgeeghi, gena thav na nighiva nana aphananġa amuir gumasi tharsira afharimuu ratighami, a ivira nan phorugha ikhava aphi.”

19 Mee aṅna akamam mbaraegha, navi bar os-emi. Mee bari uvhaghuvhagha aṅna azaaṅsigha kamagh aṅm mbiṅgeeghi, “Kighee, kira ti?”

20 Mem mbikemisima a mee ikaragha kamagh mem mbiṅgeeghi, “Gee 12 pila gena thavira. Ma gumagh nan phorugh uvighani utumani ithaṅni uvavira raghumi thav.

21 Gumasir Otar, Gotim mbigharim mbikemisir moghira, ana aremighemi. Gumagh, Gumasir Otar nigha aphanir gumasira afhari athisi khav! A bar maghatiighemi! Inaghamuṅ aṅm mbatesi phatighav khasi, a inderaghaghi!”

Jesus uvisiri uthuu rako uainiro ovisiri imbooriri ingaa non suren gumasigha aniṅi

(Metiu 26.26-30 ko Luk 22.15-20 koma 1 Korin 11.23-25)

22 Iesus non suren gumasir phorugha apha ikhava, a uvighani utuman mav nigha Gotim mbinambagha ana biigha, ana nigha non suren gumasigha aniṅga, kamagh mem mbiṅgeeghi, “Khara nan neerinofhigh. Gee ana nigh ana rami.”

23 Mauthughura a uainiro ovisiri imboori aphiri ithaṅ nigha Gotim mbinambagha menṅa aniṅsi, mee uvhaghuvhagha norir guri.

24 Mee uainiro ovisiri imboori aphima a kamagh mem mbiṅgeeghi, “Khara nan ṅaan. Ki gumasi rako amisi bar mena akuruvaghaousua ana asighiusuami. Ki kamagh ramuighti Got kha akama riṅgirana aghavaghar ikeghemi.

25 Ki guisimbaṅra gem mbiṅgeeghi, Ki nomthegh uainiro ovisiri imboori tharsi rameghem phatighami, kamaghire ikhii maṅi

Got kha bisigha ativamiri uthugho otoghomi. Kha uthughun, ki uainiro ovisiri imbooriri ingaa ramaŋga.”

²⁶ Mauthughura mee Gotini izii ufhirim mbitighan mavia amuigha rikhavigha Olivino oraghin zee.

Iesus kamaghiusue, Pita ginim mbikimaŋga, a Iesusi ikeensi phati

(Metiu 26.31-35 ko Luk 22.31-34 koma Jon 13.36-38)

²⁷ Iesus kamagh non suren gumasi vinjgeeghi, “Gotim mbigharano osir kamagh iti, ‘Ki sivsiviir garir gumagh anm mbisueghtima sivsivii atamatamira areghemi.’ Kamagha amuisi gee bar, nani itir nighnighana aghavaghar givaghtima, gee na thaeghiva areghemi.

²⁸ Ki gem mbinjgeeghi, ki aremigh nomtheghi rikavigh geni ufhuaragh Galilin distrighin manŋaŋga.”

²⁹ A mem mbikemisima Pita kamaghim mbinjgeeghi, “Mee bar nii thaeghtima kira phatighami.”

³⁰ An anm mbikemisima Iesus kamagh anm mbinjgeeghi, “Ki guisimbaanra niim mbinjgeeghi, thighira rimaanŋ khavin nii nombi uthughun phunini ko mbikethavin niim mbikimaŋga, ‘Ki ana ikeensi phati.’ Maghira utuar gina afhuvan buaanŋniŋ ramuanga.”

³¹ An anm mbikemisima Pita akamana aghavaghara amua kamaghiusue, “Ki niin phorugha aremighaousuava arimaŋga, ki kamaghim mbikemighem phatighami. Bar

phatighami!” Mauthughura suren gumasi bar kamaghira anm mbingeeghi.

Iesus Getsemanin mighin Gotin phorugham mbingeeghi

(Metiu 26.36-46 koma Luk 22.39-46)

³² Iesus non suren gumasir phorugha olivir ther mighin zee. Ma mighini izii Getsemani. Mee anj zegha, Iesus kamagh mem mbingeeghi, “Gee khagh raphighiv ikithi ki Gotin phorughum mbikimanja.”

³³ Mauthughura a Pita, ri Jems koma Jon mee nigha gu. Thighira atitiinj phuvira anja anandima, a bar osemigha,

³⁴ kamagh mem mbingeeghi, “Nan navana avee, osimndigh ana itheragha gueghiri. Ki aremighaousuava amui. Gee khaghi ikhiva, inderaghivira gan.”

³⁵ Mauthughura a muanj sivagha gugha, non khoma moghira unuaghinanji irigha kamagh Gotin phorugham mbingi kamaghiusue, utuavini igharis thav ikhitima nii uthughun maghatighan khav nam mbathighin ana nii.

³⁶ A kamagh Gotin phorugham mbingeeghi, “Giifheve, nani inaghaves, bigha thav bar niino osemisi phati. Kamagh amuisi mbizaghin khav, nii nam mbathighin ana nii. Nii nan vhusvhusan gin manja thaghiri. Nii non vhusvhusan min, nii ramu.”

³⁷ Mauthughura a nomthegha non suren gumaghan phunini ko mbikethavina aghan zegha garima mee akui. Mee akuima a kamagh Pita mbingeeghi, “Saimon, nii akuire? Nii

thange nan phorugh ikegh ganiva uthughuno othivhaanji ikeghem phatightire?

³⁸ Gee inderaghivira ganiva, Gotin phorughum mbikimti osimndigha thav gee ramuightima gee ireghem phatighami. Ki ikaanji, gen navira averi vhusvhusi, mbikarisia aghavagharisi phati. Kamagha amuisi pharphari genğa amui.”

³⁹ Mauthughura a nomtheğa gughu ufhuaragha Gotin phorugham mbikemisi moghira nomtheğa anj phorugham mbingeeghi.

⁴⁰ Gumughun a nomtheğa non suren guma-siviusua za gari, mee akuavire iti. Pharphari phuvira menğa amui. Mauthughura a menğa aghurasi, mee anjm mbikimanğamira akaagha asa.

⁴¹ Mauthughura a uthughum mbikethavin gughu Gotin phorugham mbikemigha nomtheğa za mem mbingeeghi, “Gee avughusuava akuavire itire? Othivhan khava thaghi! Uthugho oto. Gee gan, Gumasir Otar mee ana nighiva othevir maghatisigha amuir gumasira afharira arighaousua zii.

⁴² Gee rikavighiva! Ee manğanğa! Gee gan. Na nigh aphanir gumasir raniğgamir thavira, a muna zii!”

Judas Iesus nigha anja aphanir gumasira afhari athi

(Metiu 26.47-56 ko Luk 22.47-53 koma Jon 18.3-12)

⁴³ Iesus Pita, ri Jems ko Jonim mbingivire itima, Judas, anjm mbisevisir gumasir 12 pilan mav oto. Avirani ikhiv anj phorughum mbisoghomirim

mbizorsir akosi rako ifhani nigha Iesusiusua zii. Gotina aphuraphurava aghae rako bisir anġa anindir gumasiri ikii rako Judariro othevi ikeenġi gumasi rako Judarir gumasira aphanġi, mee mee amaenġi, mee zii.

⁴⁴ Iesus nigh mena fharira righaousua amuir gumaghġi ufhuaragha kamaghġisue, "Ki othivhan khavin gen khivaghami. Ki inġisamir gumaghġ, a Iesusira. Gee anġ usuiraghġ, inderaghġivira anġ ganġva, ana nigh maanġi."

⁴⁵ Mauthughura Judas Iesusiusua zavire ikha kamaghġim mbinġeeghi, "Fhighġin gumaghġ!" Judas anġi inġisi.

⁴⁶ Maghġira gumasi zava Iesus agharir anġa ariigha, mbinġiravira anġi usuir.

⁴⁷ Mauthughura Iesusina aghani iti gumaghan mav nom mbizorughana akos asigha, Gotina aphuraphurava aghae rako bisir anġa anindir gumasira aphananiri inġaaran gumaghanġi ukuara ritusi anġi ukuar ritughiri.

⁴⁸ Maghġira Iesus kamaghġim mbinġeeghi, "Ki okeer gumaghġ phati. Gee thoghousua nanġi usuighaousua mbizorsira akosi rako ifhani niia zii?"

⁴⁹ Ki mighasigha gen phorugha ikha, Gotin riphenam mbiroghina aven surea amui. Gee nanġi usuighani iphirphiri. Gotim mbinġharano osirim mbikemisi moghġira gee kamaghġ nanġa amui."

⁵⁰ Mauthughura Iesusin suren gumasi bar ana thaeghava are.

Gumaghani ikaman mav ara gu

⁵¹ Gumaghani ikaman mav bigha thav arusi phati, am mbisasini ughura akirani iti thav ikegha Iesusin gin zui. Mauthughura Iesusina aphanı anıı usuirasima,

⁵² a nona akirani itirim mbisasini ughuran khava thaegha imungamara ara gu.

Judarıro osimndisiva oraghava anda rikirir gumasi Iesusin phorugham mbingeeghi

(Metiu 26.57-68 ko Luk 22.54-55 ko Luk 22.63-71 ko Jon 18.13-14 koma Jon 18.19-24)

⁵³ Iesusina aphanı ana nigha Gotina aphuraphurava aghae rako bisir anıa anıdir gumasira aphaniviusua gu. Gotina aphuraphurava aghae rako bisir anıa anıdir gumasiri ikii, rako Judarir gumasira aphanı, rako Judarıro othevi ikeensı gumasi, mee bar za nori akuvaghav iti.

⁵⁴ Mauthughura Pita thighiınn muanın anıa athigha Iesusin gin guava bar gua Gotina aphuraphurava aghae rako bisir anıa anıdir gumasira aphanan rıphenan rivınana aven gughava a ganganir gumasir phorugha apheraghav ikha arivan fheeghi.

⁵⁵ Gotina aphuraphurava aghae rako bisir anıa anıdir gumasiri ikii rako Judarıro osimndisiva oragha anda rikirir gumasi bar Iesusim mbisueghti ana aremighaousua akaman mena akuruvaghaousua uruiava, avheenı.

⁵⁶ Gumasira avırara khorigha amuirim mbingimıngir Iesusia amuisi, mem mbingimıngi uvhorsira zui phati.

⁵⁷ Marsi rikhavigha khorigha amuira akaman khavin anım mbingeeghi,

58 “Ee orasima, a kamaghiusue, ‘Gumasi inarisi Goti riphenan khav ki ana riphirighiva, uthughun phunini ko mbikethavira igharis thavini inarighemi. Ki inarighemi thav gumasi anni inarighem phatighami.’ ”

59 Mbingingir kharsi ivira guisimbaanra uvhorsira zui phati.

60 Mauthughura Gotina aphuraphurava aghae rako bisir anga anindir gumasira aphan rikhavigha men thoonni utugha Iesusina azaaghi, “Nii akama thav ikarvaghani iphirphirisire? Mee niinga asira akaman khav, a guisimbaanra, o?”

61 Mauthughura Iesus inimire ikha mem mbingingima thav ikarasi phati.

Mauthughura Gotina aphuraphurava aghae rako bisir anga anindir gumasira aphan nomthegha anna azaaghi, “Nii Krais, Got nom ee niamiusua mbisevisir gumagh? Gumasi rako amisi kha Gotini izii ufhi, nii ano Otarara me?”

62 An anm mbikemisima Iesus kamagh anm mbingeeghi, “Ki anno Otarara. Gumughun nii ganti, Gumasir Otar kha gamgaan iti Gotin guvin aghara apheraghiva ovheeni ughura sam zaami.”

63 Mauthughura Gotina aphuraphurava aghae rako bisir anga anindir gumasira aphan non shaara biighava azaaghi, “Ee theghousua nomthegh gumasi tharsir phorugh diigh ti mee ziva akaar anga asi ti? Marikii!

64 Gee nori anm mbarasi, am mbingingir maghatisir Gotini iziira afharavasi. Gee man-

magh nighinisi?" Mauthughura mee barbar akan anja asa, kamaghiusue ana aremighemi.

⁶⁵ Mauthughura marsi anji iphari. Mee anja arimaghaniin avaragha, mee nona afharir anm mbisogha kamagh anm mbingeeghi, "Niim mbikim. Thiinra niim mbisosi?" Mauthughura ganganir gumasi ana nighava anm mbisoghavire iti.

Pita kamaghiusue, "Ki Iesusi ikeensi phati"
(Metiu 26.69-75 ko Luk 22.56-62 ko Jon 18.15-18 koma Jon 18.25-27)

⁶⁶ Uthughun khavira Pita riphena rivinam mbininiin itima, Gotina aphuraphurava aghae rako bisir anja anindir gumasira aphanani inaarana amighan mav zii.

⁶⁷ A zava Pitan garima ana arivan fheema, a rikirav anj gara, kamaghim mbingeeghi, "Niim gumaghan khav niim ivira Iesusin phorugha ike. A Nasaretiin gumagh mav."

⁶⁸ An anm mbikemisima a nombin guaragha kamaghiusue, "Ki niim mbinger bighan mav ikeensi phati." Mauthughura rivinani itimani ikhivana akamaniinno otoghiva akiran manamiusuava amuima maghira utuar afhui.

⁶⁹ Gumughuni inaarana amighan khav khagh anj garavira utuivighav itir gumasi rako amisi nomthegeha mem mbingeeghi, "Muna mena mavira."

⁷⁰ A mem mbikemisima a nomthegeha nombin guaragha muan gin, anja aghani utuivighav itir gumasi Pita mbingeeghi, "Niim Galilin distrighin

gumagh, kamagha amuisima guisimbaanra nii mena mavira.”

⁷¹ Maghira Pita mbighiraviram mbingi kamaghiusue, “Ki guisimbaanram mbingeeghi. Ki khorira amuightima Got nanğa asighasiighemi.” A kamagh mem mbingeeghi, “Ki gem mbinger gumaghan khav ikeensi phati.”

⁷² A kamaghim mbingivire itima utuar nomthegha afhui. Maghira Pita Iesus anm mbikemisi mbingingimangi nindii, “Nii ufhuaraghi uthughun phunini ko mbikethavim mbikimanga, ‘Ki Iesusi ikeensi phati.’ Maghira utuar gini uthughun phuninin afhuighemi.” Pita anaangi nighinighava ara gua bar phuvira azii.

15

Mee Iesus nigha Pailatiusua gu

(Metiu 27.1-2 ko Metiu 27.11-14 ko Luk 23.1-5 koma Jon 18.28-38)

¹ Amiritusi rimaanra, Gotina aphuraphurava aghae rako bisir anğa anindir gumasiri ikii rako Judarir gumasira aphanı, ko Judariro othevi ikeensi gumasi, rako Judariro osimndisiva oragha anda rikirir gumasiri igharis tharsi ivira, mee nighnighan mavi oto. Mee Iesusina afhari ikegha ana akua guava Pailati aniinji.

² Mee Pailati aniinsima, Pailat anna azaaghi, “Nii Judarigha ativasir gumagh, o?” An anna azarasima Iesus ana ikaragha kamaghim mbingeeghi, “Anre, nii inderaghiviram mbingeeghi.”

³ An aṅm mbikemisima Gotina aphuraphurava aghae rako bisir aṅga anindir gumasiri ikii bisira avirara aṅm mbingiva akaar aṅga asi.

⁴ Mauthughura Pailat nomthegha aṅna aza- aghi, “Niim mbingingir kharsi ikaravaghami, o phati? Ni orasi, mee bisira avirara niim mbingiva andar niingha asi.”

⁵ An aṅna azarasima Iesus bar aṅm mbinger phatisi, Pailat ringavan maghatigha amui.

Pailat khani ighuuvan Iesusa guusua mbingeeghi

(Metiu 27.15-26 ko Luk 23.13-25 koma Jon 18.38-19.16)

⁶ Pailata amuiro othiv kamaghin, ombari bar ishamani ikhivan khavini uthugh, mee Pailatim mbikimtima a rivinan kirthighani itir gumagha thav, men vhusvhusan ana thaeghti, a manjanja.

⁷ Gumaghan mav, aṅni izii Barabas, a gav- manin gumasir phorugham mbisosi tharsi men phorugha rivinan kirthighani iti. Mee bighan khaviusua rivinan kirthighani iti. Mee gavmanin phorugha nori visogha gumaghan mava aremi.

⁸ Thighira gumasi rako amisi Pailat itira aṅanan guavanambogha rivinan kirthighani itir gumagha thav mee vhusvhuisi thava thamiraghaousua Pailatina azaaghi. Khara Pailat mighasigha othivhan khavia amui.

⁹ Mee aṅna azarasima, Pailat mena aza- aghi, “Ki Judarigha ativasir gumagha thaeghiva gemiusua ana amaanmuisua, gee vhusvhuisi o?”

¹⁰ Pailat ikaani, "Gotina aphuraphurava aghae rako bisir anġa anindir gumasiri ikii Iesusa amuir bisivagha navi osemigha, ana nigha nana afhari athi."

¹¹ Mauthughura Gotina aphuraphurava aghae rako bisir anġa anindir gumasiri ikii vikemisi gumasi rako amisir navi rikavisima mee Pailatim mbikemightima a Iesusin thivaghiva, Barabasa thaeghtima a memiusua zaami.

¹² Mem mbikemisima Pailat azaaghi, "Gee Judarigha ativasir gumagh arisi thav, ki manmaghira an ramuti?"

¹³ A mem mbikemisima gumasi rako amisi mbighiravira dii kamaghim mbingeeghi, "Ana nigh khani ighuuvan ana gura!"

¹⁴ Mauthughura Pailat mena azaaghi, "Manmaghiusua? Ano othivhan maghatighan manavia amui?" A mem mbikemisima mee barim mbighiravira dii mbingeeghi, "Khani ighuuvan ana gura!"

¹⁵ A mee ramuightima men navi inderaghaousua, Pailat Barabasa thaghi. Am mbizorsir gumasi mbikemisi mee umbuer Iesusa afhasoroegha, Pailat khani ighuuvan ana guusua menġa aniġi.

*Mbizorsir gumasi Iesus riphovi
(Metiu 27.27-31 koma Jon 19.2-3)*

¹⁶ Mbizorsir gumasi Iesus nigha gavmanin riphenani ikhivam mbiroghina aven gueghira mbizorsir gumasi bar men diisima mee za nori akuvaghav iti.

17 Mee uphighi rutusir shaaran aghivani uru-aran mavin anj sharagha rikhonini amaenja rikirigha anja aphanan shara.

18 Mee maghira anj diiva anj mbingeeghi, "Judarigha ativasir gumagh, nira ativasir thav!"

19 Mauthughura mee aghorin anja aphanam mbisogha, ivira anji ipharavire iti. Mee khoru amua noni itevira akuriri iphini ira, mee guisim-baanra anji izii ufhi moghira amui.

20 Mee othevir kharsir anja amua an riphovigha givagha, a ma sarisir shaari usuegga, anj shaaran anj shara. Mauthughura mee ana nigha khani ighuuvan anja afhughafhughaousua anja akua zui.

Mbizorsir gumasi Iesus nigha khani ighuuvan ana guragha anja afhu

(Metiu 27.32-44 ko Luk 23.26-43 koma Jon 19.17-27)

21 Sairinin gumaghan mav Saimon, a Aleksander ko Rufusin inaghaves, a unjuuni igharisi thavini ikegga Jerusalemna aven zui. Maghira mbizorsir gumasi Iesusa guumir khani ighuuve isaghuphughaousua anji usuirasi, an anji isaghuphi.

22 Mee guava ananan mavini izii Golgota, mee anjo otuivi. Ananan khavini iziim mbiniin kamaghin, Aphanir Agharir Anan.

23 Mauthughura mee uainiro ovisiri imboori ko mbizasia gevi rimin phorugha ighavisuegga Iesusi anindima ana na thaghi.

24-25 Aro ananja 9_oklogh nisima mee Iesus nigha khani ighuuvan ana guragha anja afhu.

Mauthughura mbizorsir gumasi anj shaari isir-
 agha norigha aniingha satu ikararaaghi. Thavi
 ufhuaragho otoghiva, shaara thav nianga.

²⁶ Mauthughura mee anj gunim mbingera
 akaman khavo osiri, "A Judarigha ativasir
 gumagh." Mee akaman kuanjusua anj
 mbisueghtima ana aremighemi.

²⁷⁻²⁸ Mee, okiiva mbizorsigha amuisi gu-
 maghan phunini, mee anij nigha Iesusina
 aghani ivira ania agura. Mee mav nigha
 Iesusina agharan guvin itir khani ighuuvan anja
 afhugha, mav nigha agharani ikin itir khani
 ighuuvan anja afhu. *

²⁹ Mauthughura za zui tharsi mee rimbovirim
 mbizeer anj mbingiva nona aphan
 ukuaukuaghava kamaghusue, "Ore! Nii, Gotin
 riphena riphirigh aron phunini ko mbikethavin
 nomthegh anj inaraousua mbikemisi gumagh.

³⁰ Nii thighira nii nombira nombina akuragh,
 khani ighuuva thaeghiva zighiri!"

³¹ Gotina aphuraphurava aghae rako bisir
 anja anindir gumasiri ikii rako Judariro oth-
 evi ikeensi gumasi ivira kamaghira an riphova
 nori vingeeghi. Mee kamaghim mbingi ka-
 maghusue, "A igharis tharsira akuruvasi a
 nombira nombina akuruvaghani ingura!

³² Kha gumagh, a kamaghusue, 'Ki Got nom

* **15:27-28** Ikhaanjarir gumasir marsi mee kamagh nighnigha kamaghusue kha akam ivira khagh iti. Kha akam a kamaghin, "Mamagha amuigha akaman mav Gotim mbigharana aveni iti a bar guisimbaanra otoghomi. Ma akam kamaghin, 'Gumasi rako amisi gumaghan maghatighan mavin min anj gari.' "

gumasi rako amisi niamiusua mbisevisi gumagh. Ki Israeligha ativasir gumagh.’ Khara guisim-baanrana akam nii khani ighuuva thaeghiva zighiritima, ee niin ganigh nighnighana aghav-aghav aghar niini ikaami.” Okeer gumaghan phunini anna aghan guraghav ikha, iviram mbingingir maghatisira avirara phuvira anm mbingivire iti.

Iesusin ovhevheen

(Metiu 27.45-56 ko Luk 23.44-49 koma Jon 19.28-30)

³³ Aro za phesakhaman thoonni itima gingini unuaghinani itiri unuimba bar anda avaragha, guava 3_okloghini unguarthughura utu.

³⁴ Aro gua 3_oklogh nisima Iesus itiiñni ikhivanim mbighiravira kamagh deeghi, “Eloi, Eloi, lama sabaktani?” Akaman khavim mbiniññ kamaghin, “Nan Got, nan Got nii thoghousua na thaghi?”

³⁵ Maghira aghangera utuivighav itir tharsi oraegha kamaghiusue, “Gee oragh, a Elaijan deeghi.”

³⁶ Maghira gumaghan mav akhighavtigha gua rimini usuisi bigh nigha uainiro ovisiri imboorira afhaanndigha rugha ana nigha aghorin mavi athigha, Iesus ramamiusua ana amandi. A kamaghiusue, “Gee thaegh, ee gananga, Elaija ti ziva anna akuraghami, o phati.”

³⁷ Mauthughura Iesusim mbighiravira diigha utumu usue.

³⁸ Maghira Gotin riphenan guraghavi iti mbisasini ikhiv iphini ikegha thoonra bigha gueghira uvino otogha araran phunini iri.

³⁹ 100 pilam mbizorsir gumasir garir gumaghana aphanan mav, a Iesusina aghani uthughav ikha orasi, am mbighiravira diigha, manmaghira aremisiro othivhan ganigha kamaghiusue, "Bar guisimbaanra, kha gumagh a Gotin Otarara!"

⁴⁰ Uthughun khavina amisir marsi muan isaghuni utuivighav ikha gari. Men thoonn Makdalanini unuuna amigh Maria, ko Salome, ko Josev ri Jemsini inaghamuun Maria. Kha Jems a Josevini undoogh.

⁴¹ Amisir kharsi Galilin distrighini ikegha Iesusina akuruvagha an phorughava arui. Amisir avirar marsi ivira Iesusin phorughava Jerusalemna anambogha ivire iti.

*Mee Iesusin khum nigha akiman thoonnga athi
(Metiu 27.57-61 ko Luk 23.50-55 koma Jon
19.38-42)*

⁴²⁻⁴³ Thighira aron avhughususani uthughusua bisiar rikiriri uthugh. Amin phirtima avhughususani uthugho otuivami. Kamagha amuisima aro gevima, Arimatean gumagh Josev, Judariro osimndisiva oragha anda rikirir gumaghana aghuun mee bar ikeensi mav. A nombi ivira Got kha bisigha ativamiri uthughusua gari. Ana atitii phatigha Iesusin khum niamiusua gua Pailatina azaaghi.

⁴⁴ An anna azarasima Pailat oraghi, Iesusa aremigha givasima, a ringavan maghatigha amui. A 100 pilam mbizorsir gumasir garir

gumaghana aphanan maviusua akama amandasima a zesima an anja azaaghi, "Jesus guisimbaanja aremisire?"

⁴⁵ An anm mbingimam mbaraegha a ikaani, Jesus guisimbaanja aremi. Mauthughura a Iesusin khum niamusua Josevim mbinamba.

⁴⁶⁻⁴⁷ Mauthughura Josevim mbisasini ughurana aghuun mav anju uvhuesigha zava Iesusin khuma daenga zeghiri. Ana na uphomigha givagha ana nigha guava akiman thoon mee ritusi thavin gugha ana athi. Ma uthughun Makdalanini unuuna amigh Maria, ko Josevini inaghamuun Maria, aninj garima, Josev Iesusin khum nigha akiman thoonna avena ana athigha, akimani ikhivan mavi uphoghuphuegha zava anja akamania rikuugha.

16

Iesus nomthegha rikavi

(Metiu 28.1-8 ko Luk 24.1-12 koma Jon 20.1-10)

¹ Avhughususani uthugh givasima, Makdalanini unuuna amigh Maria, ko Jemsin inaghamuun Maria, ko Salome mee maani Iesusin khum aghivousua mbighuriir aghui zuirim mbiruer marsighi uvhuesi.

²⁻³ 7 pilari uthusiri ufhuaragha zuri uthughun aro anandima, rimaanra mee gua Iesusin khum athisi akiman thoonna aghan norira nori vinjeeghi, "Thiinja ena akuragh akiman thoonna akamania rikuusi akimi uphuegh ti?" *

* **16:2-3** 7 pilari uthusiri ufhuaragha zuri uthugh a Sande.

⁴ Mee gua garima akimani ikhivan khav, mee ana uphoghuphuegha gu.

⁵ Mee akiman thoonna akamaniinja aven gua garima gumaghani ikaman mav shaarani ughurani uruuran mava arugha agharan guvin amandaghava apheraghav iti. Mee anj ganigha bar ringavan maghatigha amui.

⁶ Gumaghan khav kamaghim mbinjeeghi, "Gee atitiinj thaghiri. Ki ikaani. Gee Nasaretiinj gumagh, Iesusiusua gari. A khani ighuuvana aremigha nomthegeha rikavi! A khagh iti phati. Gee khagh a irighavi ikesira ananan gan.

⁷ Thighira gee maani, Pita ko anj suren gumasiri igharis tharsi vikim, 'A geni ufhuaragh Galilin distrighin manjanaga. Am mbikemisi moghin gee munagh anmba othuivhami.' "

⁸ Mauthughura mee ringavan maghatigha amuigha guava akiran guegha phuvira are. Mee atitiinj, kamagha amuigha mee tharsi vikemisi phati.

Makdalanini unjuuna amigh Maria Iesusin gani

(Metiu 28.9-10 koma Jon 20.11-18)

⁹ Iesus 7 pila uthusiri ufhuaragha zuiru uthughun rimaanra nomthegeha rikhavigha Makdalanini unjuuna amigh Maria, ufhuaragha nombin anj khiva. Amighan khav, Iesusi ufhuaragha unduur maghatisir 7 pila iti tharsi vatoghi.*

* **16:9** Ikeenji gumasira avirara Sapta 16, ves 9ini ikegha gua 20ini uthusir akaa vingi kamaghiusue, "Mak nombi ana osirisi phati, gumaghan mav gin ana osiri."

¹⁰ Gumughun gumasi rako amisi Iesusin phorugha aruava ikesi tharsi, mee anjmiusua bar os-emigha phuvira azia itima, Maria gugha Iesusin gun mem mbingeeghi.

¹¹ A mem mbikemisima, mee oraghi, Iesus nomthegeha rikhavigha nombi nigha Makdalanini unjuuna amigh Marian khivasi an anj gani. Mee kamagh oraegha nighnighana aghavagharana amighan khavina akaar iti phati.

*Suren gumaghan phunini utuavin Iesusin gani
(Luk 24.13-35)*

¹² Uthughun khavin gin Iesusin suren gumaghan phunini unjuuni ikhivan akiran zuima Iesus igharaghava otogha anijnm mbato.

¹³ Mauthughura anijn nomthegeha za bighan khavin gun marsi vikemisi, mee ivira nighnighana aghavagharan anijna akaar iti phati.

*Iesus mee ramuanjamiri injaaran gun non
suren gumasi vinjeeghi*

*(Metiu 28.16-20 ko Luk 24.36-49 koma Jon
20.19-23)*

¹⁴ Gini 11 pilan suren gumasi aphima Iesus nombi nigha men khiva. A ikaani, mee nighnighana aghavaghar phatigha, mee navana aghavaghar iti. A nomthegeha rikavisir bighaan, marsi anj ganigha mem mbingeema, mee nighnighana aghavagharam mbingingiman khavini iti phati. Bisir kharsiviusua Iesus mem mbingi menja avhesi.

¹⁵ A kamagh mem mbingeeghi, "Gee maani unuaghinan khav bar anjaruva unuaghinan

khavini iti gumasi rako amisi bar kha akamana aghuun̄n mem mbikim.

¹⁶ Gee mem mbikimti thiin̄ra nighnighana aghavaghar nani ikhiva, urueghtima, Got an̄na akuraghti, a mighasigh Gotin phorough ikaami. Thiin̄ra nighnighana aghavaghar nani iti phati, a Got osimndisiva oragh anda rikiramiri uthughuna aveni ikhiva uvhuesan maghatigh nianga.

¹⁷⁻¹⁸ Nighnighana aghavaghar nani iti tharsi, gamgaan̄n bisir kharsi ivira men khivami. Mee nani iziini unduur maghatisi vatoghiva, mee unjuimbar akaa ikeensi phatisi tharsi vikimiva, ukurusi nona afharir andari usuighemi. Mee arighirira an̄guar rimi thava rameghti a thange men navigha asighasiighem phatighami. Mee nona afhari nigh arimarir gumasir arightima mena arimari givaghami.”

Got Iesus nigha noni unjuun guavanambo

(Luk 24.50-53 koma Iesusim Mbisevisir Gumasi 1.9-11)

¹⁹ Uthughun khavini Ikhiv Iesus, bisir kharsir mem mbikemigha givasima Got ana nigha noni unjuun guavanambo. Ana nambogha, a Gotina agharan guvin amandagha apheraghav iti.

²⁰ Gumughun suren gumasi unuaghinan khavina an̄ani bar andar guava akami ukuri. Ikhiv men phorougha inaarava non gamgaan̄n men̄ga aniin̄si mee an̄n gamgaan̄n bisigha amui. Kamagha amuisima gumasi rako amisi ikaan̄i, akaman khav bar guisimbaan̄ra.

**Mak Osirisira Akaman Aghuun ko Iesusim
Mbisevisir Gumasi
Published Mark & Acts
Mak na Aposol long tokples Akukum long Niugini**

copyright © 2006, 2010 Bible Society of Papua New Guinea and Pioneer Bible Translators

Language: Akukem

Translation by: Pioneer Bible Translators

Mak Osirisira Akaman Aghuun [Mark] © 2006 Bible Society of Papua New Guinea; Iesusim Mbisevisir Gumasi [Acts] © 2010 Pioneer Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 18 Apr 2025 from source files dated 29 Jan 2022

b9a241e0-ad00-5958-8684-acd00fc1264a